

Rohdij  
de  
Acia et  
de  
Ponderib.  
et  
Mensuris

47

IV


RHOD.  
de Acia  
et

1672

61

1	7	310
---	---	-----








Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.310/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.310/a



Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.310/a



JO. RHODII  
*De*  
PONDERIBUS  
*ET*  
MENSURIS  
VETERUM MEDICORUM

*Inprimis*  
CORNELII CELSI  
DISSERTATIO POSTHUMA

*In Lucem protracta*

TH. BARTHOLINO.


*Accedit Vita CELSI, & Judicia Doctorum*  
de ACIA RHODIANA.



---

HAFNIÆ,  
*Literis MATTHIÆ GODICCHENII,*  
Sumptibus PETRI HAUBOLDI, Reg. Acad. Bibl.  
ANNO M. DC. LXXII.









# THOMÆ FUIRENIO

*Consobrino suo*

THOMAS BARTHOLINUS

S. P.

**D**Ebet Tibi posteritas præsen-  
tis Opusculi usuram, ut plura alia.  
Quod penes me fuit, beati RHODII  
nostri ultima cera signatum, editioni Celsi  
addendum, cum Celso eodem cinerum fato  
involutum apud me periit, in quo figuræ  
ponderum Romanorum exhibebantur,  
cæteraq; limam nacta. Illius jacturam Tu  
supples. Quisqvilias enim has, quas da-  
mus, prima Autoris manu confuse notatas  
ex chartis tuis disjectis libenter concessisti,  
quibus in ordinem redigendis, quantum li-  
turæ patiebantur, paucas horas impendi,  
gratiam à veterum amatoribus meriturus,  
qui tantam reconditæ doctrinæ partem hic

a 2

com-



comprehendi non ignorant, ut huic argu-  
mento difficili non ingloriam operam sum-  
mi quique impenderint. Certè Autores vete-  
resque Medicos nemo in Ponderibus hospes  
assequetur. Accurata antiquitatis notitia ne-  
cessaria, ad gentis cujusvis stateram exami-  
nanda, quarum tanta est diversitas, ut sine  
Magistro difficile sit hinc eluctari. Quid  
hac parte à Clarissimo RHODIO præstitum,  
grata Tibi posteritas in acceptis referet, cujus  
idcirco nomini, mihi charissimo, hæc suspen-  
do, haud nescius plura Tibi deberi & majo-  
ra à me amicitiae documenta, quod tam  
constanter ab incunabulis vinculum sangvi-  
nis & fraternum nomen conservaveris. Ser-  
vabimus ad cineres usque mutuum nexum,  
& pares ætate, pari amore certabimus.  
Vale, ut Musæ valeant, quæ felices in ocio  
beato tecum habitant. Ex Tusculano  
meo Hagested ipso D. THOMÆ festo  
clō lōc LXXI.

Jo.





JO. RHODII

De

RATIONE PONDERUM ET  
MENSURARUM

A. CORN. CELSI,

DISSERTATIO.

**P**Opuli Rom. infantiam ad maturitatem robustam perduxit Prudentia. Nec primitus alio duce rustica virtus latè adeò per orbem arma circumtulit. Ita cum Græca Disciplina & Religione ista vivendi præcepta accepit, quorum vigore & obsequio imperium jam olim affectum hodieq̃ue florentissimum revirescit. Inter plurima verò Græcorum monita prudentissimum illud Platonis s. de L. L: Mensuras siccorum & liquidorum ac Pondera Legislatoris mandato constituenda. Prævidit, nempe, Philosophus, hunc verum Justitiæ nervum, citrà quem salus publica nunquam stabilis aut perpetua foret. Hinc Athenis olim, teste Suida, μετρονόμοι decem & quinque creati. Nec alio opinor consilio, ut antiquitus Romani, ita nostrâ ætate Veneti rerum gerendarum peritia eminentes πολιτείας, eorum curam Ædilibus, Romani publicanis delegarunt. Quam licet Quæstoribus, veterum, quod sciam, nemo assignarit, diversæ tamen antiquorum

a 3

Pon-



Ponderum massæ singulari Italorum studio in nostram ætatem servatæ, luculenter satis id edocent; cujusmodi veteres quoque Græcos non ignorasse Hesychius fidem facit, quando inquit: *Μολυβδῆς, σάθμιον πῖ ἐπταμηνῶν, οἱ δὲ μολίς*; quemadmodum & pervetusta antiqui Congii inscriptio, Illustrissimi quondam Cardinalis Farnesii, Mensuras in Capitolio exactas ostendit: quorum Schemata domi peregrinantibus eleganter Pætus exhibuit lib. 3. Mens. Liq. & arid. Ro. & Græc. Hinc Sacratissimarum Legum constitutione ut olim in Templis, sic hodie majorum exemplo, ad stabiliendam commercii fidem, Ponderum & Mensurarum exempla, in Palatiis & Curiis publicè servantur. Græcis autem simpliciora fuere Romanorum pondera ac mensuræ, quod ipsi pauciores quam isti, imò unam tantum Rempublicam, velut orbis compendium, negotiationis amplitudine florentem haberent. Taceo summam Romanæ gentis industriam, qua in modulandis ponderibus atque mensuris cæteris omnem laboris gloriam præripuit. Quibus procul dubio rationibus, domesticis quàm peregrinis institutis, CELSUS Romanorum Medicorum, qui nobis innotuere, vetustissimus, cæteri quæ ejusdem sequaces insistere maluerunt. De quorum *Ponderibus & Mensuris*, qua proprium seu mutue proportionis valorem, qua signa, pleraquæ apud Cornelium Gelsum, Valerium Probum, Volus. Metianum, Scribonium Largum, Priscianum, Bedam, Paulum Diaconum, corrupta, tamque varia omnibus in libris, quam varia ipsa Exemplaria, & librariorum manus, omnibus



bus haut usq̃ve obvia, sed quæ plerisq̃ve ignota errorem legentibus faciunt, ad prisce ævi genium, ex eruditæ Antiquitatis fontibus, usui non pompæ, derivare placuit.

Medicamentorum Compositorum materiam Medici politiores, vel Numero, vel Acervo, vel Pondere, vel Mensurâ, æstimant. Et quidem Numero & simplici & composito, fructus, legumina vel sem. majora; Acervo, hoc est, Pugillis, Manipulis aut Fasciculis, Radices recentes, folia, herbas, flores, legumina ac semina quædam, cum Sale &c. Arida plerumq̃ve Pondere, Mensurâ & arida & liquida. Nullum tamen medicamenti genus est, quod stateræ judicium recuset, sicut rectè Joubertus, p. 21. Celso quæ in his usitata, proportionis serie persequar.

*Numero* non solum fructus & semina, ut lib. 4. cap. 10. sed & Animantium partes, ut vitellos, insignivit Autor lib. 5. cap. 19. & 21. Quem plenè sine characterismo expressit. Vulgò sic notatur, n<sup>o</sup>.

*Pugilli* vocem venustâ circumscriptione protulit idem lib. 5. cap. 10. ubi pro Pugillo dixit, quantum tribus digitis capi potest. Hinc Aëtio *de q̃dæ*, quod pugno seu compressis digitis capi potest. Galenus lib. 8. de Comp. Med. s. l. cap. ult. abusivè Rutæ fasciculum dixit quantum duobus digitis comprehendi potest.

*Manipulus* Celso, quod Scribonio Largo *Fasciculus*, Simleri judicio in Nomencl. Rei Numar. fol. 89. Quo sensu Esthio cap. 1. §. 1. de Remed. formul. defi-



definitur fasciculus, qui manu comprehendi potest. Rondeletio cap. 2. Meth. cur. p. 17. cæterisque omnibus à Manipulo differt Fasciculus, nisi forte cum Agricola lib. 2. de Extern. pond. *desmidion xerepandis* intelligendum. Heurnius lib. 1. Meth. Prax. utriusque discrimen explicatius tradidit, cui Fasciculus, quantum plicatis brachiis capi potest. Ovidius de medic. faciei, manipulum scitè circumscripsit: Quantum manus unaprehendat.

Inter *Pondera* Romana, reliquorum omnium tam Ponderum quàm Mensurarum veluti Regula primas meritò poscit *Libra*. Cujus schema p. Celso sine ulla adjectione, notat *Pondo* solum, hoc est, Libram, non Mercalem, negotiatoriam, *ænnelo* Polluci, Gallis Regiam, quæ Senum denum Budæo, de Ass. lib. 2. f. 38. Sedecim Unciarum Had. Junio, sed Romanam, quæ tam Mensuralis à mole, quàm à gravitate Ponderalis, Assis instar, Romanis usitatissimè XII. Unciarum sive 84. Denariorum erat: non quidem levi conjecturâ, sed computatione legitima, nostræ æqualis. Hoc tamen discrimine, ut Libræ Unciæ XII. Mensurales, X. Ponderales respondeant, ex Gal. lib. 6. de Comp. Medic. f. gen. cap. 8. Soli, quod sciam, Budæo de Assè, duodecim & dimidiæ, cujus sententiæ momenta Agricola solidè infregit lib. 4. de Pond. & Mensur.

*Assis* etiam sive *As*, ut ex Varrone lib. 4. & Plinio lib. 33. cap. 3. colligere est, ab ære dicta. Balbus ad Celsum de Assè ejusque partibus, quicquid unum est, & quod ex integrorum divisione remanet, *Assem* ratiocinatores vocare scribit. Numus semper  
æreus



æreus ponderis libralis, Valerio Probo de Notis Roman. & Prisciano Grammatico de nominibus Numerorum. Numus Libralis. Unde vet. Assipondium, usquedum lege Papyriâ, referente Plinio lib. d. tandem post bellum Punicum cum Hannibale gestum contracto ære alieno, cum impensis Respublica non sufficeret, repetitâ diminutione ex Librali, Sextantarius, sive Sextantalus Ursino Not. ad Varr. R. R. lib. 1. cap. 10; deinde Uncialis, Semiuncialis denique fieret; cujus dimidium Assarius sive Assarium, quod etiam à Plutarcho significatione & pondere Assis usurpatur. Charisio lib. 1. Assarius antiquis, nunc As, non Assis: alio nomine *Solidus* vel *solidum*, quod interdum latiori quoque significatione ob perfectionem duodenarii, de re quavis, & potissimum hereditate herciscunda, integri loco profertur, geminato senario. Item *Fugerum* olim, abusivè *Pondus*, unde Dipondium Isidoro Orig. lib. 16. cap. 24. Quemadmodum & *Libra* quasi libera cuncta in se pondera concludens, atque *libella*, auctore Plauto in Capt. Act. 5. Sc. 1. item in Pseudol. Act. 1. Sc. 1. quæ semper argentea erat, us As æreus. Simlerus ait Assen, quo & Cic. usus, ex ære gravi libralem, decimam Rom. Denarii partem. Cum quo etiam sentit Hadrianus Junius. si de numerata in ære pecunia intelligatur: sin de pondere, libram notare. Hesychio ὀβολός, hoc est, sagitta, quod olim ex ære sagittæ formam referret, annotante Isidoro l. c. Vid. Plutarch. in Lyfandro. Unde vulgo Obolos, rectius in MS. Latinis obulus; gravis nempe aris, quo multa erogari consuevit. Nec ullum

b

ferè



ferè erat ponderis genus, quo non numisma significari solebat, præter *Pondo*, quod secus ac libra, As aut solidus, semper pondus, nunquam nummi genus significat, veluti libra frequentius pondus quam Numum; As, & Solidus, semper ferè Numum: quorum ille æreus, hic argenteus vel aureus erat, sed demum temporum injuriâ, ob minorem auri ac argenti copiam, in æreum mutatus. Romæ *Pondo*, autore Volusio Meriano Imp. Antonini Pii Consiliario, Philosophi in Juris disciplina Doctore, inter minora pondera maximum erat, & minimum inter majora; quæ, numero ponderi adjecto, sine peculiari appellatione efferebantur, ut dupondium, centumpondium;  $\text{S}$  h. e. medium inter ea quæ Librâ nunc majora nunc minora sunt. Imo, ex numero æris omnis Nummus argenteus potestatem habuit, annotante Volusio p. 57. Libra enim pondere, Nummi verò argentei in pecunia, formâ publicâ duntaxat, nomen accipiunt apud eundem Volusium p. 63. Cæterum Assis nomen, non tantum Ponderi & Mensuræ, sed Numero etiam, non secus ac Denarius, competit, quæ dicendi consuetudine Columellæ lib. 5. cap. 3. unitas est. Græcis similiter λίτρα duplex est; μέτρον, ἢ σταθμῶν. Ad utriusq; distinctionē Latini, etiam in non ambiguis, invalescente apud Rom. usu, Libræ ceu ponderali, ad Mensuralis discrimen, Mercuriale docente de Comp. Med. lib. 2. cap. 1. ut ponderis nomenclaturæ: Pondo hac Notâ p. addece-re, quæ aliis Libram Mensuralem denotat, quemadmodum Græci σταθμῶν. Quamvis & nonnunquam Libra simpliciter prolata, Græcis, ut Suidæ, sit ὁ σταθμὸς, quo-







Aufonio monosyllabum: Tertia defuerit, si portio  
quid reliquum? Bes.

*Selibra* numus itidem æreus. Celso lib. 5. cap.  
19. Semis, quasi Semias Priscian. pag. 13. hoc est,  
dimidium Assis; quæ etiam voce Largus Celsi *σύνχρο-  
νος* est delectatus. Semissis Vitruvius. Aliis Sem-  
bella, fortè quasi semi-libella, quæ Athenæo & Plu-  
tarcho *ἡμισ*, vel *ἡμισ*, ut Hesychius annotat. Pha-  
vorinus: *ἡμισ*, ὅσω πλεον ἡμισ παρὰ. Cujus  
apud Græcos Nota *ς*''', ad differentiam *ς*', quod 90.  
signat: Latinos, J. ET. S. S''. Aliàs *παντὸς σταθμὸς τὸ  
ἡμισ*, S. Græc. Nicandri interpr. *πᾶν σταθμὸν καὶ μέ-  
τρων*.

*Triens* numulus erat æreus, tertia pars Assis sive  
Libræ, vel  $\frac{4}{12}$  hoc est  $\frac{1}{3}$ iiiij. Autor noster in ma-  
lagm. Moschi, sine ponderis mentione hanc vocem  
protulit, plurativo Numero. Dicitur & Tras, vel  
Tries. Signum p.  $\frac{1}{3}$ . vel 3. hoc est, pondo Triens. Ab  
aliis ita scribitur:  $\equiv$ .  $\equiv$ . vel  $\equiv$ . S.  $\mathfrak{ss}$ .  $\mathfrak{p}$ .  $\mathfrak{ss}$ .

*Quadrans*, seu *Quadras* Bedæ, Practicis vulgo  
*Qvartarius*, communiter est cujusvis Assis sive soli-  
di pars quarta; cæteroquin numus æreus, Assis seu  
Libræ pars quarta. Hoc est,  $\frac{3}{12}$  aut Unc. III. cujus  
Celsus meminit lib. 5. cap. 18. Unde aliis Triun-  
cium, & Triuncis veteribus, Ciceroni Teruncius,  
quasi de tribus Unciis, ut Varro lib. 4. de L. L. vo-  
luit. Vulgo ita pingebatur  $\equiv$ . vel sic  $\equiv$ . Ultra-  
que voce etiam Columella usus lib. 12. R. R. cap. 78.  
Suaque lingua cum ignoto Græco Galen. lib. 5. de  
Comp.



Comp. Med. f. g. Quæ in re numaria Rate signabantur. Character quoque hic erat  $\mathcal{D}$ . Bedæ, 36.  
 $\mathfrak{D}$ . Dem. Alabaldo. = —. Menæ cap. 19.

P. *Sextans*, de quo Autor, lib. 5. cap. 19. & 25. quod sexta Assis pars, hoc est,  $\frac{1}{2}$  sive Unc. ij. appellari ita videtur Varroni Symbolum ejus tale =

$\mathfrak{S}$ .  $\mathfrak{S}$ . Z.

Minimè præter eundem, Trientem, Quadrantem, Sextantem, definitè accepta, integri respectu varias subire significationes. Sic enim Libræ Quadrans est iij. Unc. Unciæ, Sicilicus; Aurei, Scripulum; Drachmæ, Sesquiobulus. Quia non solum Unciæ, sed & libræ, drachmæ, aliisque ponderibus hæc appellationes tribuit vetustas, ut ex Gal. 2. de Comp. f. lib. cap. 3. & Act. serm. 2. cap. 49. patet. Nec aliter de Triente & Sextante proportionaliter statuendum.

Nunquam tamen hisce vocibus ita superstitione adhæserunt Latini veteres, quin & eas nonnunquam *Unciæ*, ut sibi jure Romano propriis, expresserint, ut ex Colum. Plin. & Autore nostro satis liquet; apud quem lib. 5. cap. 18. etiam *Sescuncia*, aliis Uncia Sescunx & Sexcuncia, hoc est, octava libræ pars reperitur. Cujus hæ Notæ  $\mathcal{Z}$ .  $\mathcal{H}$ .  $\Sigma$ .  $\mathcal{E}$ .  
 $\mathfrak{T}$ . P. Z. Item  $\mathcal{D}$ . & Z, quæ aliis nunc Libræ nunc Denarii character, ita monente Agricola lib. 4. de Pond. Rom. Sed harum discrimen facile ipsa missionis ratio monstrabit. Z. Celso notat Libram & denarii sextantem. Quid potius autor velit, di-



ligenter attendendum, Mena & Rat. Pond. Med. cap. 19. aliàs dimidium obulum ex Isidor. Orig. lib. 16. cap. 26. Nonnunquam Sescunciae nota est  $\varepsilon$ , vel  $\frac{1}{2}$ . ut Unciae secundum Latinos ab uno dicta, quod duodecim librae partium una sit, hoc est, 8. drachmarum, Isidoro, quod universitatem minorum ponderum suam unitate vinciat. Græc.  $\rho$ . quæ hodie Antiquam  $\delta j$ . & gr.  $iiij$ . superare creditur, ut ut quidam non postremæ auctoritatis æquales censeant. Hac etiam voce usus est Juvenalis Sat. VI. Celsus, præter communem nostri ævi morem, simpliciter profert, quoties unitatem postulat, non sine latini sermonis elegantia, ut ex malagm. Moschi loco pridem adducto constat. Nicolaum Præpositum & Saladinum secuti Pharmacopæi Veneti, Unciam ex 9. Drachmis constituere, à quibus tamen semper alieni fuere Medici Veneti, teste Qvatrocchio p. 27. §. 1. Celsi autem & communes Unciæ omninò pares sunt; licet Drachmæ aliquantulum discrepent; sed quarum minutia si non Arithmetica, Geometrica saltem proportionem, conveniunt. Quando enim Celsi Drachmæ 7. totidem communes granis LXXII. superant: Sexies autem multiplicata in Denario  $82\frac{1}{2}$  grana 570. producant; ut 72. in communi Drachma itidem 504. additis 72. granis, Drachmam octavam complentibus, exsurgunt gran: 576. quot Celso Denarios 7. sive Unciam absolvunt.

Uncia verò & *Semiuncia*, dimidium Unciæ Prisciano & Budæo, aliàs semissis quasi semis Assis Isidoro, sic signata N. r. ibidem, —. Voluf. Met. I. Bedæ



Bedæ  $\overline{\text{r}}$ .  $\overline{\text{u}}$ . S. Demetr. Alabald. aliis  $\epsilon$ .  $\epsilon\zeta$ .  $\epsilon$ .  
 Unc. j.  $\overline{\text{z}}$ . Bed. Unc. sem.  $\overline{\text{z}}$ . Unciæ valorem ele-  
 ganter Fannius descripsit : Unciæque in Libra pars  
 est, quæ mensis in anno. 6. quam quidam, anno-  
 tante Agricolâ, lib. 4. de Pond. Rom. ἀλογως gemi-  
 nant. Aliis 6.  $\gamma$ .  $\text{ΙϚ}$ . LL.  $\text{υϛ}$ .  $\overline{\text{u}}$ . est *Duella*, sive  
 dupla Sextula Philandro in Vitruv. lib. 7. cap. 8. hoc  
 est, Binæ Sextulæ Cic. pro Cecinna, seu Tertia hæc  
 Unciæ pars, quæ VIII. scriptulis finitur. Nona pars  
 Unciæ Volus. Met. cujus nota  $\overline{\text{u}}$ .  $\text{ΙϚ}$ . eidem.  $\overline{\text{u}}$ .  
 Bedæ. Hæc velut & sequens, monente Agricola,  
 Medicis neutiqvam in usu est. De iis tamen heic  
 leviter, quæ reliquis faculam præbent.

*Sextula* Cicer. sive Sescula & Sexcla, Simoni  
 Genuensi *Sextarius*, numus olim æreus, & æris pars  
 minima Prisc. p. 12. ita appellatus, quod sit Unciæ  
 pars sexta Bud. de Ass. lib. 1. f. 2. hoc est,  $\text{Ϛiiij}$  sive  $1\frac{1}{2}$   
 Denarii argentei aut sesqui Drachma. Aliàs *Sexti-*  
*mus*, non quia in 6. Uncias sive Obolos dividitur, ut  
 H. Barbarus sentire videtur. Sed quod sexies mul-  
 tiplicatus Unciam constituat. Eadem forsan de  
 causa novo nomine Actuario & Myrepso ἐξάριον di-  
 citur; quod aliis, ut interpreti Anonymo Nican-  
 dri indictioque Græco, fortè Dioscoridi, corruptè  
 $\epsilon\zeta\alpha\gamma\iota\omicron\nu$ , quod Nic. Alexandrino & Barbaris duobus  
 æreolis æstimatur, Mercuriale annotante l. 2. c. 2.

Latinus interpres Solidum vertit, observante  
 Fuchsius ad cap. 5. §. 1. Antidotar. Myrepf. qui ibi-  
 dem Actuario Drachmâ valere colligit. Cui assen-  
 titur



titur Isidorus Orig. lib. 16. cap. 24. qui vocem hanc nimis longinque à Dando derivat, quod 10. nummis imputet. Dominicus Massarius Aureum Denarium, vel sine adjectione Aureum interpretatur, quem 4. scriptulis æstimat, Mercurialis l. d. Diiij. Signa ipsius \. Volus. v. V. Menæ cap. 19. 10. SS. CC. So. Bed. 3. 4. Dem. Alabald.

*Dimidia Sextula*, hoc est, duodecima duodecimæ pars una, seu Dij. sic notata +. Volus. pag. 54. SS. Bed.

X. vel \*. *Decussis*, quasi 10. Asses continens, *Denarius* est Ponderalis. Septima Uncia pars hoc est, Diiij. &  $\frac{3}{4}$  D. Philandr. lib. 7. cap. 8. Drachma Attica &  $\frac{1}{2}$ . Vox origine Romanis propria Hadr. Jun. Nomenclat. n. 233. Dictus Denarius quod numus argenteus, Didymo seu quisquis ille fuerit Græcus Herodoti enarrator, *δηνάριον ἀργυρεόν*, olim denis libris æris seu denis Assibus fuerit permutatus, teste Prisciano, ex Verrinis Ciceronis antiquissimæ scripturæ emendatis Codicibus: vel quod 10. nummos usuales primitus valuerit, ex Historia Scholastica referente Joan. Gvidio Volaterano de Mineral. lib. 3. tit. 9. n. 23. Sic enim Vitruvius lib. 3. cap. 1. nostri primo in denario denos æreos asses constituerunt. Unde quandoque (Numus) simpliciter Denarium significat, ut Valerius Maximus prodidit. Cui distinctionis causâ, ad evitandam ambiguitatem, Varro Denarium adjecit. Tales etiamnum in Italia supersunt. E quibus genuini hac fermè numeri denarii notâ X. signati, intersectâ lineâ, ad differentiam



tiam litera X. quâ Celsus pro Δ. Drachmæ Græcæ signo uti maluit, ut rectè Georg. Henischius de Asse pag. 88. Victoriatos binos quivis constituit. Pondus ei triplex fuisse, magnum, mediocre & parvum, ex sermonis progressu patebit. Hunc in usu medico solum sibi Celsus cum Scribonio Largo communem habuit. Cujus hanc ipse rationem tradidit in Epist. ad Pull. Nat. Græci, inquit, *Medici Pondera medicamentorum ad Drachmas redigunt: quæ quia ad Denarium nostrum conveniunt (octoginta enim & quatuor in Libram incurrunt) pro nota Græca Drachmæ, quæ est figurâ talis Z. notam Denarii Latinam, quam nosti, posui, id est, hanc \*.* & ad ejus pondus Græcas Drachmas rediges. In hanc sententiam alibi idem brevius in Epist. ad C. Jul. Call. Scrib. Largo falsò ascripta: *Erit nota Denarii pro Græca Drachmæ. Æquè enim in Libra Denarii 84, apud Nos sunt, sicut Drachmæ apud Græcos incurrunt.* Celsi nempe Denarius scripul.  $3\frac{2}{3}$  vel sexagesimas sive grana  $82\frac{2}{3}$  continet. Unde septies duodeni, hoc est, eorundem 84. libram conficiunt. Nec aliter accipiendum puto hanc in rem Gorraei Def. Med. in  $\chi$  &  $\epsilon\gamma\gamma$ . effectum ex Galen. 8. Comp. Med. s. l. deductum Græci nimirum apud Rom. medicinam exercentes Unciam in 7. Drachmas dividebant, ut hi in totidem Denarios, innuentes hos ipsos. Quo sensu Celsum (sive Scribonium) Græcorum more loqvutum censet Agricola. Ex quo simul elucet, quàm se frustra torserit H. Barbarus in emendando Plinii loco l. 33. c. 8. ubi Justum dicit ex libra argenti 84. Denarios

signa-



signari. Rarum quidem est, & à paucis observatum, quod Leonh. à Portis l. 1. de scst. adfert; Denarium Rom. sive Numum argenteum aliquando Drachmâ Atticâ parte tertia superiore fuisse, adeoque 4. scrupulorum: sed fidi Autoris sententiâ firmatum. Tetrachmum namque Livius Dec. 4. l. 4. trium ferè Denariorum pronunciat, quum 4. Drachmarum nominis ratio indicet. Nisi fortè de eo intelligendum Denario, cujusmodi primum Cos. Q. Fabio, urgente Romanos Annibale, 64. ex libra cufos memorat Livius; qui non tantum Drachmâ Atticâ parte tertiâ major, sed sesquî Drachmæ Atticæ æqualis; aut quem nonnulli Geoponicis & Hippoiatricis in 4. scrupula secari tradiderunt, ob mensuram Agricolis ac Veterinariis à Medicis diversam. Qva etiam ratione Galen. 5. de Compos. Med. l. g. cap. 3. quosdam Unciæ Drachmas septem cum dimidia assignasse scripsit. Cæterum Denarius Varroni & Prisciano id nominis obtinuisse videtur, quod denos Æris sive Asses valeret. Unde & in rationibus conficiendis, testante Volus. Metiano & Sosipatro, decussi inducto notabatur tali figura X. Postea verò *Bigatus* & *Quadrigatus* à calaturæ figura appellatus, referente Plinio & Festo. Et simpliciter *Argentum*; indeque Dionysio Siculo velut Onomatotheræ Argyris; sicut & novo dicendi genere, ad discrimen aureæ Drachmæ de qua Suidas & Hesychius, Alexandro apud Athenæum *δραχμῆς*, quam alii quam benè nescio, auream phialam verterunt: à Materia, ut credere primum est, quum Denarius semper argenteus fuerit; secus ac decussis, qui ante  
signa-



signatum primum, quinquennio ante bellum Punicum, Anno U. C. 585. aliis 483. & 484. L. Fab. Cos. argentum, semper æreus manserat à temporibus Servii Tullii Regis, qui primus æs signavit. Cui sententiæ haud obscure favet Græpsius in Epit. Bud. de Asse pag. 19. 21. qui suâ ætate ejusmodi Denarios imaginibus titulisque Coss. & Cass. Rom. in Sarmatia è glebis erutos narrat. Primitus quidem, ut ex Plin. memoratum, X. Assibus valebat Denarius, post II. verò bellum Punicum XVI. Assium factus est, ut ex Plin. l. d. & plenius i. Annal. Taciti liquet, cujus flandi curator C. Titinius ex denarii iconè à F. Ursino de. Rom. famil. relicta. Non quidem ob numeri perfectionem ut conjicit Vitruvius Archit. lib. 3. cap. 1. sed verius æris alieni causa, ut rectè ad Vitruv. notat Philander; vel ut stipendium militi suppeteret, ut ex Tacito colligere licet. Rationem tradidit Plinius, qui in curtiis apud Pistores & Coquos Diarium XV. asses valens Denarii loco viritum distributum refert. Quem locum Senis aliquando per colloquium mihi suggestit Celsus Cittadinus p. m. lingvæ Etruscæ Professor Publicus & peritissimus Antiquitatum, magni istius Lipsii quondam condiscipulus Romæ. Hujus æstimo Denarius valebat 2. Carlinos, hoc est, XII. gracios Etruscos. Sed Denarii valor post bellum Punicum secundum nunquam in priorem æstimationem rediit, ut ex Volus. Meriano Cl. Puteanus eruditè notavit. Quod porrò Natali præcepit Celsus noster, ad *Denarii pondus Drachmas reducere*, id verò majoris operæ est. Galenus quidem, reliquorum suæ gentis Ro-



ma medicantium imitatione, omnes ferè Medicamentorum compositiones ad Romanorum pondera & mensuras revocans, Drachmam cum Romano Denario eandem facit; & cum eo pleriqve: in quibus Plin. ad sui seculi pondus; item, Plutarch. Gell. F. Pompejus atqve ex Polybio Livius 34. ab U. C. nec non inter Recentiores Demetr. Alabaldus, quos lib. de Peste G. Agric. imitatus, vocibus exactè æquipollentibus destituti, promiscuâ utriusqve lingvæ permutatione, pro Drachma denarium usurpant; quod fortassis res quantumvis diversas parum differre putaverint, quum Drachma Attica Denarium parte sui septima superarit, aut in maxima etiam earum dissidentia peregrinitatem abhorrerint. Quid si ob id etiam, si Portii lib. 1. de Sest. judicio standum, quod Denarii olim Drachmâ frequentiores fuerint? Verùm, ut præter alios cum Gorræo in Def. Med. rectè monuit Fernelius, Denarius hic Drachmâ argenteâ paulo gravior est. Quæ ne dubiæ fidei; aut noviter excogitata appareant, en ipsa Celsi verba lib. 5. cap. 17. *Sciri volo in Uncia pondus Denariorum septem esse.* Quibus quid apertius, quum tamen nemo Unciam ex 8. Drachmis conflata neget, nisi fortè Saladinus cæteri qve imperitiores, qui 9. Drachmas assignarunt. Indulgenda quidem foret veteribus ea interpretandi licentia, nisi ab ejusmodi excessus aut defectus modici neglectu Pharmacis, Dei munere inventis, infamiæ periculum immineret. Quam vix evadet Plinius, qui operosior fortassis ut evitaret partitionem, pro Dioscoridis, aut quisquis ille fuit alius, Mina, decreto Solo-



DISSERTATIO.

21

Solonis apud Plutarchum 100. Drachmarum Atticarum sive Denariorum, ut censuit Crito Med. Cæsareus, Libram reposuit; quum tamen 4. Drachmis invicem distent. Sic enim Fannius:

— *quam parvo nomine Graji  
Minam vocitant, nostrig, Minam dixere priores,  
Centum hæ sunt Drachmæ. quod si decerpseris illis  
Quatuor, efficies banc nostram denig, Libram.*

Nisi Plinium Libram Atticam, non Romanam, intellexisse putandum. Quod etiam Gorræo atque Agricola placere video. Quibus haud invitus quoque subscribo, quum ipse Græcorum se nomina servaturum lib. 21. cap. ult. apertè satis præmoneat. Idem sibi juris quandoque etiam Græci sumpserunt, Libram 100. Drachmis exprimentes, teste Galeno lib. 6. de Comp. Med. s. g. Ubi, quam exegit vocationum penuria, licentiæ veniam dabit benignior dicti interpretatio de præsidiis Externis, quorum minor quàm internorum ἀνεξέχεια requiritur. Quum igitur, annotante ipso etiam Galeno, plerique quidem Unciam Drachmarum septem & dimidiæ, alii septem tantum, quidam verò, & inter eos ipse Galenus lib. 2. de Comp. Med. s. g. cap. 2. & 11. octo constituerint: quid in tanta opinionum diversitate agendum? Tempus germana veritatis filia in consilium vocetur, quæ Ariadne quasi fidæ observationis filo oberrantes viæque incertos in tutum reducet. Si enim Historiarum monumentis, quam merentur, fides habenda, M. Anton. Claudii & Vespasiani temporibus, decreta ex S. C. ponderis imminutione, Ro-

c 3

manis



manis fortè avaritiam Græcorum æmulantibus, ex una libra Denarii 96. prodierunt, quot Drachmæ Libram Atticam sive Medicam terminant. Qua subductione Denarius scripula 3. sive obolos 6. exactè continebit. Hinc Dioscorid. ἡ ὃ λίτρα ἔχει ἐννιάς β'. δραχμὰς ὃ 96'. Cui Galenus passim assentitur. Nec sanè alio sensu ex Budæo Græpsium Romani Denarii pondus atqve æstimationem Drachmæ Atticæ assignasse crediderim; aut exculatissimum amœnioribus literis Cl. Puteano cæterisqve Denarium pondere & pretio, Drachmæ Atticæ parem, adeò ut, qui secus sentiunt Autores, verbis potius quam re ipsâ dissentiant. Quomodo etiam Galeno & Marc. Empirico Denarius argenteus Drachma videtur. Et Plinius Drachmam Atticam argentei Denarii pondus habere pronunciat: suâ tamen ætate Denarii ponderi nonnihil detractum fatetur. Omnes autem levem Denarium intellexisse, certum est. Et testis est Portius, hujusmodi numos, olim Drachmâ usitatioribus, hodie terris effossos Drachmæ ponderi respondere. Ubi tamen Agricola & Mariana observandum monent, quantum ipsis diuturnitate ac usu detritum. His adde, non pedariorum, sed primi subsellii Autorum Livii & Plutarchi suffragia, quorum ille Drachmas, hic Bigatos totidem Badio Nolano à Marcello donatos recenset. Nec minoris faciendum Portii monitum, lib. 1. de fest. qui argenteos majoris aut minoris ponderis Numos vetustiores, non Denarios, sed extraordinarios, censet. Propterea Drachmam verissimè quidam Unciæ tam Romanæ quam Græcæ, partem octavam statuunt; unam.



unamqve & eandem utriqve genti *Unciam* fuisse: sed tum primum, ubi hæc cum Libra & Sextario appellatione atqve usu cum Rom. imperii incrementis, legum potius observantiâ, quam ut quidam putarunt, servili adulatione, in Græcorum possessionem venerat, quorum postea ponderibus ac mensuris Rom. vicissim usi. Ductis, nempe, omnibus simul Libræ Romanæ partibus, hoc est, Drachmis (sive Denariis) 96. in duodenas, singulis Unciis Drachmæ 8. æquales erunt, Arabibus autem Denario Aureus, qui aliàs valet 316.

Præter Notam P. ✱. Celso in Codicibus vulgaris familiarem, inveniuntur & hæc, X. ✱. Δ. ut Græcorum Drachmæ Λ. ∟. vel ∟. & Σ, inverso caractere usitato 3. ne ponderis nota cum numero confundatur.

X. In vetustioribus Exemplis excusis si geminatur hoc modo XX; prius Denarii pondus, alterum Denariorum numerum notat.

*Victoriatus* Numus erat, ita dictus, quod lege Clodiâ Victoriæ simulacro signaretur, post victoriam in Illyrico partam: Unde advectus olim mercis loco habebatur. Numus peregrinus Volusio p. 57. Hinc Oribasio Ilarium, Fernelio Meth. Med. lib. 4. cap. 6. ac Heurnio in Tabb. ad Meth. Prax. rectius Illyricum vocatus: aliis *Quinarius*, quod juxta Plinium lib. 33. cap. 3. quinos æris valeret; seu quod argenteus quinque libris æreis commutaretur. Volusii ætate, valebat asses 8. Marc. Empirico initio lib. de Medicamentis, & cap. 17. *Victoriatus* Denarius dimi-



dimidia pars Drachmæ est, hoc est, sesqui scrup. &  $\frac{3}{4}$ . Plerisqve rem numariam, soli Scribonio Largo pondus significat. Cui Fernelius Celsum addit. Sed huic ejus loco *Denarii semisis* est, quemadmodum & præterea Marcello Semidrachma, Tremissis Esthio cap. 1. §. 1. quæ hac nota S. pingitur. Ita Cels. lib. 5. cap. 18. P. \*. semis. Item P. I. \*. & semis. Et paulò post: P. II. \*. & S.

Signa ejus hæc præterea sunt. V. Voluf. V. Δ. Λ. P. \*. Z. vel P. X. Z. est pondo Denarii Sextans, Unde Denarius Sextivus.

*Sextantem* verò Denarii primus excogitavit Celsus, quo solus etiam usus: qui præterquam quod Denarius Drachmâ paulò gravior esset, Obolo, ceu peregrino, uti noluit. Denarium proinde in 12. partes, ut Assen, in totidem Uncias divisit: quarum duæ (velut Assis partes) Sextantis nomine veniunt, qui Semi-scripulum nonnihil excedit. Denarium itaque Romanum 6. Sextantes, ut Græcis totidem Oboli Drachmam, complent; adeoque Denarius est  $\frac{3}{4}$ . &  $\frac{1}{2}$ . Sic enim Autor ipse lib. V. cap. 21. *Sciri volo, unius Denarii pondus à me dividi in sex partes*, hoc est, 6. *Sextantes: ut idem in Uncia Denarii habeam, quod Græci in eo quod Obolum appellant. Id ad nostra pondera relatum paulò plus dimidio scripulo facit.* Ubi rectè Agricola per pondera massas intelligit. Cui Patus *ἀντίπυρ* subscribit. Hujus quoque ponderis meminit Columel. lib. 7. cap. 5. & lib. 12. cap. 12. Hinc fortè *Pondus Sextarium* Plinii lib. 33. cap. 3. Conscientiæ & famæ naufragium ut declinet Medi-

cus,



cus, in examinandis Celsi Remediis Sextantem Libræ & Denarii religiosè discernat, ex quorum neglectu gravissimi errores committi possunt, Mercurial. de Comp. Med. lib. 2. cap. 1.

*Uncia Denarii*, pars ejus sexta, veluti minutia, pendens grana  $13\frac{1}{2}$ . quæ  $\frac{3}{4}$ , hoc est, granis fermè duobus obulum superat. Tantilli excessus negligentia H. Barbarus, in Castigationibus Plinianis, Denarii Unciam cum Obolo eandem fecit.

Victoriato *Faba* Ægyptia pondere responder, ex sententia Æginetæ & Dioscoridis. Cujus Autor lib. 5. cap. 23. in Ambrosia Zopyri mentionem facit, Neque ab hac Alexandrina, aut Dioscoridis Balanus, valore differt. *Syræ* Serapioni scripula ij. communia pendit. Cujus dimidium *Græca*. Agricola tamen de rellit. pond. & Mens. pag. 237. Ægyptiæ ðij. assignat.

*Romanam* apud veterum Latinorum neminem invenio præterquam Celsum, qui lib. 5. cap. 25. *Nostram* vocat. Nisi Ptolomaicam sive Ægyptiam usu suam indigitet. In Priorem tamen sententiam magis inclinatur animus: quod in Ep. ad Callistum simili ferè locutione Denarii Romani à Drachma diversitatem monstravit. Quicquid sit, dubitandum minimè, ejusmodi *Fabam* ipsi peculiarem fuisse, modo recepta sibi lectio constet.

*Lupinus*, Græcè *ῥέπος*, similiter dimidiæ Drachmæ æquatur. Danich Arabibus: quod tamen Fernelius Meth. Med. IV. c. 6. solum gr. vj. Agricola & Mercuriali viij. sive tertiam scripuli partem pendit.

d

*Ervum*



*Eruium* ignoto Græco 2. *arēolis* sive 4. gr. constat. Autor noster lib. 5. cap. 23. & 25. potius Lupini ac Ervi magnitudinem quam pondus consideravit: quemadmodum & *Granum* l. d. cap. 18. & 25. ubi *ἐμφανκῶς* integrum minimèqve tulum innuere videtur.

*Scripulum*, pondus solis Romanis receptum, quod tertia semper Drachmæ pars, lib. 5. cap. 17. usurpavit Autor; reliqui Medici rariùs, sed ejus loco *δράχμον*, quod Latinè oboli duo, secus ac Juniores, ut Aet. Alex. Aretæus, Moschio. Prisciano scripulus dicitur, & Frontino lib. 1. de Aquæduct. Varro in Plautorino, citante Carisio Grammatico Vetusissimo, & Voluf. Metiano, ut & Martiali Scriptulum, & contractè Scriptulum Fannio. Scripulum in vetusto Celsi Codice. Scribulum improbat Capper. Scrupulum à scrupo præter Columellam Plinius & Carisius rejicit, licet parum à Scriptulo differre putet Mercurialis lib. 2. cap. 2. de Comp. Med. Scripulum verò qui malunt cum Charisio, à scribendo nomen deducunt, quod Græcis *γράμμα* vocetur. Isidoro inde Dramma dicitur lib. 26. Orig. cap. 24. Barbaris Scrupulus. Quos inveteratâ consuetudine pleriqve hodie sequuntur. Iisdem Schropulus, ut in Codice MS. Guil. Saliceti. Isidorus ait diminutivum esse à Scrupo, hoc est, lapillo brevi. Fannius metri causâ Scrupulum dixit. El. Vinetus Seriplum legit. Communè granis XXIV. Nicolai & Saladini XX. æstimatur. Patavinis 24. gr. pender. Venetis 20, quia hi hordei grana, illi piperis usurpant.



pant. Veterum quidam *Sc. Simplum* vocabant, referente Volus. pag. 55. & Ferdin. Mena de Rat Med. cap. 19. Characteres Scripuli:  $\text{J}$ .  $\text{7}$ .  $\text{I}$ .  $\text{S}$ .  $\text{SS}$ . Demetr. Alab.  $\text{77}$ . Volus.  $\text{=}$ . Isidor. lib. 16. cap. 26.  $\text{S}$ .  $\text{S}$ .

*Obolus* pendet Semiobulos duos,  $\lambda\epsilon\pi\tau\epsilon\ \delta\upsilon\omicron$  Marc. cap. 12. Simiobulus Siliqvam j & f. Siliqva gr. iiij. Granum, lentem unam & semissem. Vid. Philandr. in Vitruv. lib. 7. cap. 8. Cujus hæc forma —, Isidor.

A Ponderibus ad *Mensuras* nunc se flestit oratio. Hæ autem semper certæ ac immobiles fuere, vel ob summam maximæ Reipublicæ autoritatem, vel quia pondere humida parum discrepant, secus quam sicca, quæ rarò genere vel specie conveniunt; quorum proinde mensura difficulter pervestigatur. Unde etiam mensurarum, liquoris (& grani) expeditior & forma & appellatio est, Volus. pag. 63. Græci iisdem olim usi, quibus Romani, quæ observatione quorundam nostris minores. In earum sensu hæ CELSO familiares.

*Sextarius*, vox inculpatæ Latinitatis Autoribus, Catoni, Ciceroni, Horatio & Columellæ usitata, ac appellata, quod sexta Congii pars: unde Græcum  $\xi\epsilon\sigma\tau\iota\varsigma$ , voce cum fascibus à Romanis ad Græcos transmissâ Mercurial. lib. 2. cap. 1. d. Comp. Med. *Kist*. Arabibus; totius doctrinæ Mensurarum veluti fundamentum & Regula. Romanis Medicis mensura est tam Aridorum quam Liquidorum: Flo-



rente Republicâ Romanâ, Andromacho etiam, Heræ, Asclepiadi, Critoni, Dioscoridi, cæterisque rei medicamentariæ Scriptoribus, usitata. Suidas scribit ξέσων, μέτρον πρὸς ὕγρων. Aridorum est ts. unius & dimidiæ; Liquidorum, duarum Heminarum. Unde Fannius,

*Heminas recipit geminas Sextarius unū.*

Et Anonymus Nicandri interpres: ὁ ξέσης ἔχει λίτραν α, ἡμισ. Phavorinus: Ξέσης, ῥωμαϊκῶς ἐστὶ τὸ ὄνομα. τ' ρδ παρ' ἡμῶν ἐξ ἀριθμὸν αὐτοῖς λέγεται σέξ. καὶ μέτρον πρὸς παρ' αὐτοῖς τὸ ἕκτον, λέγεται σέξων. Διὸ ἢ ὁ Φωρίαν, τὸ σέκτης ξέσης λέγεται καὶ μετάθεσιν τὸ σικεῖν, ἕτω Φιλων. Portium proinde non injuriâ notat Doctissimus Agricola lib. 1. de Mens. Rom. quod Medicos folis mensuris Heminâ minoribus uti asserat.

*Sextarius ponderalis Arabicus.* Græcis σιτήρ: Hesych. σιτήρ πτεράχμαμ. Item πτεράχμαμ & πτεράχμων. Item δυνιδιον. Serapioni *Semuncia* est: quoniam & ex Poll. Stater aureus duarum Drachmarum fuerit.

*Italicus*, Græci respectu; aliàs *Urbicus*, ratione Castrensis, qui binos capiebat urbicos, olei Unc. XIIIX. vini vel aquæ XX. mellis XXVII. pendit. Quem Arabes in suis Compositionibus semper innuunt. Hujus meminit Actuarius in ol. myrtino. Latini valorem ipsius diversum tradunt. Quot enim fuere Romanorum Provinciæ, tot ferè distinctæ ejus species extitere, ut advertit Mercurialis de Comp. Med. lib. 2. cap. 1. Lacunæ quidem Aridorum Sextarius XIII. Unciarum est; liquidorum verò



verò sesqui libræ, cum Romanis, autoritate Galeni; Græcis aliàs Cadus, Jo. du Boys Obs. Phar. §. 3. cap. 29. Budæo de Assè lib. 5. & Angelocratori itidem binarum Cotylarum, hoc est, lb. jf. sive XVIII. Unciarum, consentiente Massario de Pond. & Mens. lib. 3. cap. 8. qui eas non simpliciter, ut Simon Genuensis, sed de oleo accipiendas contendit. Verum Goræus Def. Med. in ἑξῆς hic Atticum intelligit, qui Romano ῥij. minor erat. Cui Mariana cap. 4. de Pond. & Mens. subscribit. Galenus quoque huic sententiæ patrocinari videtur, qui lib. 1. de Comp. f. g. cap. 16. cum libræ mensuralis & 8. Unc. statuit. Quod Portius Librâ & Bessè circumscripsit. Pæto cum peritioribus XX. Unciæ Mensurales Sextarium efficiunt: Sed qui cum Portio & H. Barbaro Ponderales potius quam Mensurales intelligendas censet, quas Oribasius, Julian. Apostata Medicus, ex Adamantii sententia simpliciter totidem ponit. Massarius de vino vel aqua accipit l. d. Sed inconstanter admodum. Nimirum, vini vel aquæ Unc. XXII. olei nunc totidem, nunc XV. aliàs XVIII. sicut mellis modo XXVII. modo XXX. Sextario tribuit. Alciatus in eleganti de Verborum significationibus Libello Unc. XV. adfert, ubi Massarius lib. 3. cap. 9. Olei Atticum interpretatur. Hesychium & Isidorum sequutus cum Neotericis Budæus Unc. XXIV. quas Græpsius lb. ij. expressit, ac Oribasius mellis voluit. Budæi rationes Agricola lib. 1. de Mens. Rom. eruditè sub examen vocavit, quo Lectorem istarum avidum remitto. Qui verò XXIV. omninò Mensurales intelligunt. Galeno

d 3

enim



enim lib. 6. cap. 8. de Comp. Med. sec. gen. XII. mensurales X. ponderalibus respondent. Caterum, ne quem confusio errorem pariat, observatione dignum est, videri Galenum distinctis in locis, lib. 1. 3. 5. & 6. de Comp. Med. f. g. Sextarios Mensurales, non Ponderales, intellexisse. Quem plerique Dd. sequuti; quod ij semper immutabiles ac fixi, hi pro diversa rerum Aridarum & Liquidarum materia atque gravitate varii; sed qui vel rei adjectione, vel sermonis consuetudine manifesti. A qua sententia neque alienum fuisse Columellam lib. 12. cap. 21. verisimile est, quando Unciæ mensuralis meminit. Quibus etiam cum Agricola & Mercuriali, veritatis & vetustatis cultu, libenter annuo: licet præter Portium, Budæum quoque Alciatum & Marianam, omnes viros magnos, dissentire videam. Veritas enim suffragiorum pondere, non numero, eminet. Multorum loco vel hoc Frontini unicum esto: quæ mensurâ continentur, certa & immobilia sibi congruere. Pondere autem res mensurales differre, nemo negabit credo, qui unâ eademque mensurâ rebus diversissimis repletâ, varia quoque pondera prodire animadvertit. Si igitur solus Ponderalis Sextarius olim erat receptus, quid vetat, quò minus tot Sextarii, quot res speliæ ac numero distinctæ, fuerint. Horum autem nullum apud veteres vestigium. Nec sanè Imperium optimè constitutum, damno publico, ejusmodi ~~varietas~~ enormiter admisisse censendum. Quod si amicè dissidentium favori hic ob insignem utriusque partis auctoritatem velificandum: moderatior



ratio Patī sententia videtur, quā commodè explicatis reductisq̃ve in concordiam dissentientibus primā fronte Galeni locis, ingeniosius forte quam verius, tanquam arbiter honorarius, Sextarium utrumq̃ve & Mensuralem & Ponderalem, ut sibi mutuò æquales, asserit. Neque enim levioris quod adfert conjecturæ est: Galenum lib. 1. de Comp. Med. f. g. solum Libram Olei Mensuralem pondere examinasse, etsi nullius inibi liq̃voris meminerit. Heram namq̃ve de oleo loq̃vutū ex Galeni verbis manifestum est: Olei verò mensuram à vini diversam; nec oleum mensurā, sed pondere & librā mensurali dividitū ostendit Cato cap. 12. 15. 142. & 153. Nec verisimile, Plinium servatis (quod monuit) suo more Græcorum nominibus, aliter olei Sextarium intellexisse. Quid si Romani, observantes oleum aqua vel vino parte nonā levius, Libram olei mensuralem X. Unciis ponderalibus, adeoq̃ve aquæ aut vini Hemina; pariterq̃ve bilibrem Sextario exæquatam fabricarint? Galenus certè loco jam pridem dicto tale quippiam innuit. Et Romæ olei mensuram pondere, haud magnitudine sive capacitate, hodie cum vini mensura congruere constat. Ut autem vel hoc demus, quod ad Galeni examen olei libra mensuralis uncias decem ponderales penderit; necdum tamen quod quæritur demonstratum, duodecim nempe libræ mensuralis Uncias, totidem mensuralibus Sextarii vini Unciis exactè æquales fuisse. Quum itaq̃ve curiosā quorundam pensitatione jam extra dubium sit, XII. Uncias Mensurales X. ponderalibus ævari, quemadmodum



dum & Unciam ponderalem mensurali, in vase XX. Unciarum lineis distincto; quod Liqvores solo pondere, non mensurâ mutantur, utut Antiquis Unciæ maximè fuerint mensurales, earumqve XX. vini Sextarium impleverint; sola tamen consuetudo Tyrannus obstare videtur, cur Sextarius non totidem Ponderales aquæ vel vini Uncias receperit. Hoc forsan argumento Jo. du Boys Observ. Pharmac. §. 3. cap. 17. pondere præ capacitatis moderatione neglecto, Heminas olei, aquæ, vini & mellis neutiquam distingvendas pronunciat. Et Saladinus, vini, aquæ, aceti, olei ac mellis Sextarium semper 30. Unciarum. Satius tamen ponderis quam mensuræ rationem habuisse, ut sua mixturæ integritas maneat. Porro, quemadmodum Romana libra in XII. Uncias, ita Sextarius in totidem Cyathos dividebatur; qui inde Sextarii Unciæ dicti. Hinc *Sextans* duorum, *Quadrans* trium, *Triens* quatuor Cyathorum habendus: & sic ordinatâ æqualitate reliquæ, ut Assis, partes, quarum apud Latinos Poëtas mentio crebrior est. Nimis imbecilla idcirco, ne dicam à veritate remota, eorum divinatio est, qui à numero literarum, quibus signata Amicarum nomina, harum vocum rationes deduxere, quum, vel propriâ ipsorum confessione, eæ non magis pocula quam mensuras denotent. Notæ Sextarii hæ leguntur: S. 3. ). 55. Demetr. Alabald. XE. Isidor.

*Hemina*, Isidoro Emina, vox Italica in usum Græcorum transsumptæ, licet ex Athenæo lib. 7. jam planum sit, veteres Græcos Hemina etiam pro Coty-  
tyla



tyla usos, unde & plerisque Cotylam significat. Ita quæ Suidæ simpliciter μέτρον, Hesychio & Phavorino ημίνα, κατύλη. Agricola rectissime refragatur, quum unciâ unâ minor sit Hemina Rom. quæ X. Unciarum, ut ex Gal. lib. 5. de Med. s. l. manifestum; vixque alibi quam apud Latinos Græca vertentes isto significatu occurrat. Aphricano de Pond. & Mens. Med. *Lanx* appellatur. Est autem mensura tam Liquidorum quam Aridorum, quam nomen accepisse tradit Pompejus ab ἡμισι, quod sit dimidia Sextarii pars. De quo etiam Gell. Att. Noct. lib. 3. cap. 14. Unde Græcis ἡμίζετον, testante Græco Aristophanis Interprete, in Pluto, cujus verba subdere libuit: κατύλη ἣ ἐστὶν εἶδος μέτρος ὃ λέγομεν ἡμῖς ἡμίζετον. Cujus in V. S. frequens mentio est, Mercurial. de Comp. Med. lib. 2. cap. 1. Italicam vel Ægyptiacam Arabes semper innuunt. Hemina diversimode considerata variat. Pondere spectata pendit Unc. IX. olei, X. aquæ, vini & aceti, seu potius XII. experientiâ Jo. du Boys §. 3. cap. 17. Sesquilibram mellis mediam; communiter Unc. XII. Paulò rectius XIII. & semunciam. Accuratiores singulorum æstimatoribus, olei Unc. VIII. Drachm. II. & Scrip. II. aquæ, vini & aceti Unc. VIII. Drachm. II. siliqvas j. & gr. j. mellis lb. j. Unc. j. Drachm. VII. siliqvas ij. Anonymo Nicandr. Interpr. Græco; ἡ κατύλη ἔχει ὑγρίας θ. Marc. Empirico & Græpsio est Drachmarum LX. Fernelio similiter continet Unc. IX. cornu libralis. Sed, consentiente cum Lacuna Th. Zuïng. & Jo. du Boys, mensurales; quum Ponderalium duntaxat VIII; Portio lib. de Sest. Unc. X.

c

Cha-



Characteres ejus Græci sunt hi: K. *Κ*. *κ*. *ϰ*.  
 μ. Romani *Ϟ*. *ϟ*. *Ϡ*. Voluf. pag. 64.

*Acetabulum* Celso, Plinio lib. 25. cap. 19. Athen.  
 lib. 2. Dipn. Barbaris, ut Guil. de Salicet. *Acceptabo-*  
*lis*. Isidoro Orig. lib. 16. cap. 25. Acitabulus. Tra-  
 ducta voce à mensis ad mensuras, imitatione Græca  
 ab aceto, seu æmula quantitate vasculorum quibus  
 acetum embarumatis loco apponitur. Græcis eas-  
 dem ob causas *ὀξύβαφον* & *ὀξύβαφος*. Sic enim He-  
 sychio: *ὀξύβαφον τὸ σκεῦος*, & Suidæ pariterqve Pha-  
 vorino, *τὸ δεχόμενον τὸ ὄξος*. Hinc Fannio Oxyba-  
 phus. Isidoro l. d. ineptè Oxifalus, qui ab Aceta-  
 bulo diversum ponit. Mensura tam Liquidorum  
 quam Aridorum, est quarta Hemina pars, Marc.  
 Empirico, sive sesquicyathus, hoc est, Unc. ij &  
 Drachm. ij. obversatione communi. Aliis Unc.  
 duarum & dimidia. Græco Nicandri Interpreti  
 loco saepe allato, *τὸ ὀξύβαφον ἔχει ἑγγίαις β'*. al. *δύο*.  
 Atticis tantum XV. olei Drachmas continet. 3j. &  
 3vij. Mercurial. d. l. cap. 2. Græcis ita signatur, *ξ*.  
*ζο*. Isid. l. d.

*Cyathus*, Barbaris Bickarium, Esth. cap. 1. §. 1.  
 de form. med. forsan à Germanico *Becker*. Arabib.  
 corruptè *Alcuatus* & *Alcuatum*, item *cuathum*,  
 mutatâ in tenuem asperâ, nomen duxit, *παρὰ τὸ χύω*,  
 Suidæ, à fundendo nempe, vel, ut aliis placet, hau-  
 riendo vino in Græcorum conviviis, ubi simpulo  
 sacrificiis relicto successit: Unde à Græco *κυαθίζω*,  
 Plauto in *Menæchm.* Act. 2. Sc. 2. cyathissare, idem  
 quod Propertio ad cyathos, & Juvenali Sat. XIII.  
 Sve-



Svetonio ad cyathum stare, hoc est, pocula miscere, seu ritu veterum convivii solenni, cyathoposcen-  
tibus convivis potum admetiri. De quo rei litera-  
riæ Dictator Scaliger de Caus. Ling. Lat. cap. 123.  
Svidæ pressius cum Phavorino, ἀντλητήριον, μέτρον  
ὕγρῳ. Hefych. μικρὸν μέτρον, ἢ ἀντλητήριον. Mensu-  
ra est tam Aridorum quam Liquidorum, non, ut  
quibusdam visum, poculum vulgare, verum Sexta-  
rii pars octava: Sed ad Drachmarum pondus deci-  
ma, secundum Atticos, duodecima Simlero & Me-  
næ cap. 17. Quomodo Plinius lib. 21. accipit. Ori-  
bas. lib. 2. Synop. cap. 58. Drachm. XII. observatio-  
ne communi, cui Fernelius subscribit, quibus ad-  
dit Aegineta ðiv. quod Angelocrat. 3j. 3j. & 3j. ex-  
pressit. Sæpe dictus Nicandri interpretæ περὶ μέτρων:  
ὁ κύαθος, inquit, ἔχει μνᾶς μικρὰς, ἥτοι μύτρα μικρὰ δύο.  
τὸ γὰρ μύτρον ἔχει σταθμὸν σταγίων τριῶν, ἥτοι ὕγρῳ ἡμισι. ἐν  
ἄλλοις δὲ φαίνεται ὅτι ὁ κύαθος ἔχει σταθμὸν ὕγρῳ μιᾶς ἡμι-  
σείας. Hefychius ὕγρῳ β'. adstipulante Phavorino  
& Fuchsio, qui ad cap. 6. Sect. 1. Antidotarii My-  
reps. norat Nicolao esse Unc. ij. etsi veteribus Græ-  
cis pro diversa liqvorum ratione variet. Unde No-  
ta ejus Romanis C. C. TI. Voluf. pag. 64. Græcis  
κ. κ. x°. KY. Isid. lib. 16. cap. 26. Restitutio lo-  
ci Actii, videatur apud J. Heurnium cap. 7. de  
ocul. Aff.

Lib. V. cap. 19. vulgata Celsi lectio habet *minus  
cyathum*. At alibi nuspiam hoc genere protulit.  
Nec ullus minoris meminit. Legendum iccirco

c 2

vide-



videtur, *minus cyatho*. Quomodo Autor etiam l. d. cap. 21. usus, ut idem quod intra cyathum velit.

*Sesquicyathus* lib. 5. cap. 19. ut alibi *Sescuncia*. Acetabulo mensurâ æquivalet. Ubi notandum sesqui pro hemiolo accipiendum, quod tantundem & semis significat, Bud. de Assē lib. 1. f. 1.

Medio inter Pondera & Mensuras loco vocis & usus ambiguitas *Nucem* locavit. Massario nomen ejus ad Pondera potius quam Mensuras spectare videtur. Mensuris eam accenset Heurnius lib. 1. Meth. Prax. qui rusticis mole nucis, ut quondam Fabæ Ægyptiacæ, res mensurari tradit. Cui Celsus accedere deprehendo, quando lib. 5. cap. 23. Antidoti Mithridatis imperat quod magnitudinem nucis Græcæ impleat.

*Nux parva*, Massar. minor Mercurial. lib. 2. cap. 4. ignoto Græco, *Pontica*, Avellana, Heurn. Tab. 4. ad Meth. Pr. Cochleare parvum Massario de pond. & mens. lib. 3. cap. 37. Valet Drachmâ communi: aliis Drachma & sexta ejus parte, hoc est, Obolis septem. Sorano 3ij. Græco Anonymo 3v.

*Magna Nux*, sive *cocbleare maximum verum*. Barbaris, ut Gvil. de Saliceto, nux majoris magnitudinis habens nigredinem Avellanæ. *Regalis* ignoto Græco, ab excellentia, quod è Persia à Regibus juxta Plin. translata. *Juglans* Latinis, quibus idem quod Semuncia. Marc. Empirico *Tetrasarius*. Arab. *Sextarius*; Cleopatrar *πρεσάραχρον*. Communiter IV. Drachmas pendit. Avicen. & Serap. 3ij. &  $\frac{1}{3}$ .  
hoc



hoc est, Obolos XIV. Gr. Nicandri Scholiastæ est VII. *σικλίων*, hoc est,  $\beta\text{ix}$ . &  $\beta\text{j}$ . Cleopatraz  $\beta\text{iv}$ . Sorano  $\beta\text{ij}$ . &  $\beta\text{j}$ .

*Nux* absolutè posita, annotante Massario l. d. cap. 35.

Majoris autem quantitas, partim locorum diversitate variat, partim usus, quod cum cortice, secus quam sine eo, multum ponderet, Mercur. l. d.

Græca autori nostro lib. 4. cap. 10. fructus videtur, idem qui amygdala, ut è Plin. lib. 15. cap. 22. minimè obscurum est. Numero æstimatur. Aliibi, ut lib. 5. cap. 23. pondus, quod valore forsan par Ponticæ. Sed hujus varietas Scriptores cum aliis speciebus in diversa traxit.

De Romanorum Ponderibus & Mensuris tantum ad Autoris illustrationem breviter. Certa enim in paucis, maximumque hujus argumenti robur Autoritas; ita tamen ut nervi atque artus sapientiæ, nihil temere credere. Eapropter exquisitiorem de primo singulorum ortu, de mutua eorundem proportionem, varioque extra Medicinam usu, contemplationem eorum ingeniis relinquere æquum fuit, qui omnem curam per ista laudabiliter extenderunt. Cujus magnitudinem nemo rectius æstimavit, quam qui, præter diversas gravissimorum Virorum sententias, vetustioris mensuræ defectum, observavit, quem sola fermè Italia, florentissima Musarum sedes, indubitatis adhuc exemplis supplet. Minutiora si quis desiderat, Scriptorum patriam, seculum, ipsiusque mixturæ vires, expen-

c 3

dat;



dat; quanquam ab Autoribus Regio nonnunquam studio omiſſa, interdum obſcurè nimis prodita, quandoq; etiam variata deprehenditur. Oportundum quidem fuerat, hic eadem quâ alibi felicitate Autorem noſtrum Divini Senis candorem expreſſiſſe, qui Pondera & Menſuras non Notis, ſed apertis nominibus, tradidit. In quam ſententiam illuſtris Cedreni in Baſilio locus extat, quanquam inſtituto à medicina alieno, rarò tamen juſtitiaꝝ exemplo. *Animadvertens (porrò occaſionem maleficii pravis hominibus eo dari, quod Numeri, quibus verbi gratiâ Semisſis, Sextans, Uncia & ſimilia designantur, per Notas recepta antiquitus conſuetudine, ſcriberentur: Loco Notarum literis uti juſſit, quas etiam ruſtici legere poſſent; & de ſuo ſumptus in chartas, literas, atq; ſcribas ipſe ſuppeditavit.* Sed communem errorem dum errare maluit Celſus noſter, iſta Artis arcana non vulgari modo propoſiturus, poſteris ſemet incautè obſcuravit. Notæ enim illæ, vel diuturnitate ævi obtritæ ac deletæ, vel Librariorum negligentia aut temeritate mutata ſive tranſpoſitæ, vel ſapè infelici Correctorum induſtria viciatæ, aut Typographorum ignoratione penitus omiſſæ, innumera in Celſum *παρερράμματα* invexere. Quæ ne ulli tenebras offunderent, præter fidam iſtorum ex MS. emendationem, neve horum ignoratio tot Remedia longo vet. uſu probata infelici eventu contaminaret, ſummatim plana, ut ſpero, hic omnium ratio reddita fuit; adjectis etiam reliquorum ejusdem literaturæ characteriſmis, quæ heit velut in Catoptro ita ſub uno aſpectu proponere volui, ne in arduis felici-



DISSERTATIO.

39

feliciori quoque aliorum industria sperata merito-  
rum commendatio deesset. Ignosce mi Lector, si  
Tibi non satisfecerim, qui mihi met nunquam  
potui.

Voluisse sat est.

Nec scire fas est omnia.

MENSURÆ.

SEXTARIUS. S.  $\mathfrak{C}$ .  $\mathfrak{C}$ . XE. 8.  $\mathfrak{C}$ .  $\mathfrak{C}$ .

Aridorum, lb. j. S.

Liquidorum, duarum Heminarum.

Ponderalis Arabicus  $\mathfrak{C}$ .

(olei.

Italicus vini, vel aquæ } Unc. XVIII.

(Mellis. } XX.

(XXVII.

HEMINA. K.  $\mathfrak{K}$ .  $\mathfrak{K}$ .  $\mathfrak{K}$ .  $\mathfrak{K}$ . Græc.

$\mathfrak{C}$  S.  $\mathfrak{C}$ . Rom.

ACETABULUM.  $\mathfrak{C}$  O. Græc.

Olei  $\mathfrak{C}$  XVIII.

Vini  $\mathfrak{C}$  ij. &  $\mathfrak{C}$  xij.

Mellis  $\mathfrak{C}$  ij.  $\mathfrak{C}$  ix.

CYATHUS. Gr.  $\mathfrak{K}$ .  $\mathfrak{K}$ . KY.

Ro. C.  $\mathfrak{C}$ .  $\mathfrak{C}$ .  $\mathfrak{C}$ .

Olei  $\mathfrak{C}$  xij.

Vini  $\mathfrak{C}$  j. S.  $\mathfrak{C}$  iv.

Mellis  $\mathfrak{C}$  ij.  $\mathfrak{C}$  ij.

SESQVICYATHUS Cels. lib. 5. cap. 19.

Acerabulo æquivalet.

LIGU-







DISSERTATIO.

41

QUADRANS.  $\equiv$ ,  $\equiv$ ,  $\mathcal{Z}$ ,  $3^{\circ}$ ,  $\mathfrak{ss}$ ,  $\equiv$ , T.  $0^{\circ}$ ,  
Unc. III.

P. SEXTANS. Celf. lib. 5. cap. 19. & 25.  $\equiv$ .  
 $\mathfrak{z}$ ,  $\mathfrak{z}$ ,  $\mathfrak{s}$ ,  $\mathfrak{s}$ ,  $\mathcal{Z}$ .  
Unc. II.

SESCUNCIA. p. z. z. z.  $\mathcal{Z}$ ,  $\mathfrak{t}$ ,  $\mathfrak{t}$ ,  $\mathfrak{t}$ ,  $\mathfrak{t}$ ,  $\mathfrak{t}$ .  
UNCIA. Græc.  $\mathfrak{p}$ ,  $\mathfrak{e}$ ,  $\mathfrak{g}$ ,  $\mathfrak{z}$ ,  $\mathfrak{s}$ ,  $\mathfrak{w}$ ,  $\mathfrak{g}$ .  
Rom.  $\mathfrak{t}$ ,  $\mathfrak{t}$ .  
Drachm. VII.

SEMUNCIA. E.  $\mathfrak{e}$ ,  $\mathfrak{e}$ ,  $\mathfrak{s}$ ,  $\mathfrak{z}$ ,  $\mathfrak{e}$ ,  $\mathfrak{e}$ .  
 $\mathfrak{s}$ ,  $\mathfrak{s}$ ,  $\mathfrak{s}$ .

DUELLA. G. V.  $\mathfrak{d}$ ,  $\mathfrak{d}$ ,  $\mathfrak{v}$ ,  $\mathfrak{v}$ ,  $\mathfrak{v}$ ,  $\mathfrak{d}$ ,  $\mathfrak{d}$ .  
Scrip. VIII.

SEXTULA.  $\mathfrak{v}$ ,  $\mathfrak{v}$ ,  $\mathfrak{p}$ ,  $\mathfrak{ss}$ ,  $\mathfrak{d}$ ,  $\mathfrak{e}$ ,  $\mathfrak{v}$ ,  $\mathfrak{d}$ ,  $\mathfrak{d}$ .  
Scrip. III.

DIMIDIA SEXTULA.  $\mathfrak{t}$ ,  $\mathfrak{ss}$ ,  $\mathfrak{z}$ .  
Scrip. II.

SICILICUS.  $\mathfrak{d}$ .  
Scrip. VI.

SEMISICILICUS.  $\mathfrak{z}$ .  
Scrip. III.

DENARIUS.  $\mathfrak{z}$ ,  $\mathfrak{z}$ ,  $\mathfrak{z}$ ,  $\mathfrak{z}$ ,  $\mathfrak{z}$ ,  $\mathfrak{z}$ ,  $\mathfrak{z}$ ,  $\mathfrak{z}$ .  
 $\mathfrak{z}$ ,  $\mathfrak{z}$ ,  $\mathfrak{z}$ ,  $\mathfrak{z}$ ,  $\mathfrak{z}$ , Gr.  
Scrip. III.

VICTORIATUS. Scrib. Larg. Comp. 85.  
S. p.  $\mathfrak{z}$ ,  $\mathfrak{s}$ ,  $\mathfrak{v}$ ,  $\mathfrak{v}$ ,  $\mathfrak{z}$ .  
Sesquiscrip.  $\mathfrak{z}$ .  
f

FABA





FABA Ægyptia, sive Alexandrina Victoriato respondet.

Syra Scrip. II.

Græca Scrip. I.





Romana Cels. lib. 5. cap. 25. Latina Sorano






Ephesio Ifag. Med. cap. 24. 

LUPINUS. .


ERVUM. gr. IV.

GRANUM.

SCRIPULUM. Oboli duo. . . . . SS.

. . . . .

gran. XX.

SEXTANS DENARII. Cels. lib. 5. cap. 17. .

UNCIA DENARII. Obolus. —.

NUX Parva, Pontica, Avellana,

Drachm. I.


Magna, Juglans, Regalis.

Unc. s. vel Drachm. vj.



AURE-





# AURELII CORNELII CELSI VITA

*Clarissimo Viro*

JOANNE RHODIO  
conscripta.

**C**ORNELII CELSI laudabilem in Re Medica operam annis jam mille sexcentis, & quod superat, Experientia, veritatis prima parens, feliciter probavit. Nec melioris animi quisquam ita ab omni humanitate remotus fuit, cui non venerandum tam illustre nomen. At ingenio magis, quam origine notum, quam, relicta soli animo gloria, temporis diuturnitas posteritatis memoria exemit. Quamvis enim Romæ vixisse Celsum, ipsius, sive ut aliis visum, Scribon. Largi ad J. Callistum Epistola indicio sit: non desunt tamen causæ, cur addubitem, patriâ, an jure civitatis ipsum Romanis accenseam. Maximeque, quum præter hunc, quidam Julius Celsus Hadriano Imperatori à Consiliis, vel ex aliorum sententia, Alexandri Severi temporibus, Juris scientiâ perhibeatur claruisse. Vid. Spartian. in Hadr. 30 & Pompon. Jc. lib. 2. in fin. de Orig. Jur. & Politianum lib. 5. Epist. ad Jac.

f 2

Mode-



Modestum. Equidem Celsum Patrem ac Filium Jureconsultis annumerat Hotomannus in Descriptione Jureconsultorum, & Juventium Celsum Patrem ad Vespasiani Imperatoris tempora refert Jacob. Gothofred. Histor. Jur. Civil. cap. 7. de Jureconsultorum successione. Idem Celsum Patrem & Filium sub Trajano, Hadriano, Antonino Pio vixisse censet. Verum & Apulejus Celsus Valentis ac Scribonii Largi in Medicis Magister occurrit apud Scribonium Largum de Compos. Med. cap. 94. & 171. Cujus præter Agricola Voverius in Apul. Vita mentionem iniecit. Nisi fortè cum Cornario in Marc. Empirici Præfat. interposito inciso, Apulejo, Celso, distinctè legendum fuerit. Ita in Præfat. Marcell. & Apulejus & Celsus occurrunt. Volaterranus etiam meminit in Anthropologia lib. 14. Celsi cujusdam, qui Philosophiæ Stoicæ sectator, Origenis erat adversarius, magiæ scientiâ notus, cui Lucianus Pseudo-Mantem inscripsit. Ejusdem quoque nominis ibidem, imperante Nerone, è Galliis puer novennis martyrio nobilitatus. Numo etiam innotuit apud Augustin. Dialogo 5. de Num. Celsus quidam III. Vir. Noster autem Augusti ævo floruit, ex quorundam sententia, inter quos Jo. Britannic. in Juvenal. Sat. 6. & 7. Ovidii autoritate, vel ut Jo. Cajo placuit, Cl. Tiberii, A. C. 29; aut certè Caji Imp. conjecturâ Sambuci, Viri Antiquitatis notitiâ clarissimi. Major tamen eruditorum pars sub Tiberio vixisse, vel fortè ipso imperante natum usque ad Trajani tempora vitam produxisse censet; quamvis & sub Nerone vixisse putet Thom. Fienus



Fienus. Ut uno seculo vetustior Galeno videatur. Cæterum, non levem hic de Patria ejus dubitandi occasionem præbet Cæl. Rhodiginus, qvi Antiq. Lect. lib. 14. cap. 5. Veronenses, ait, cum Macrobio, Vitruvio, & Plinio, Celsum quoque suum ortu civem agnoscere. Librorum inscriptionibus hujusmodi divinationes stabiliri assolent. Sed exigui momenti munimento. Notius enim est, quam ut pluribus confirmetur, Librorum titulos Literatoribus & Librariis arbitrarios fuisse, vixque veterum quempiam ulli suorum Commentariorum quidquam prænotasse, referente de semet id ipsum Galeno lib. 7. Meth. Med. cap. 1. qvi id officii ab Amicis habuit: haud dubie istius ævi modestiâ, quod ingenia admiratione superiora protulit. Sed enim, ut mala exempla ex bonis initiis orta: Ita ex æmula, in conqui- rendis magnorum ingeniorum monumentis, Principum munificentia, accrescente paulatim Librari- orum avaritiâ, omnes propè optimorum etiam Au- torum præscriptiones impunè, ad lucrosam cujus- que libidinem, immutata, ne dicam adulterata.

Atque ut ad Celsum redeam; quot ejus hodie Editiones, tot ferme Inscriptiones diversæ. Cæsarii habet, *Aurelii Cornelii Celsi de Re Medica VIII. Libri* eruditissimi. Vulgatæ Lugdunensis omnes, & Ley- densis modestius sine phalerato encomio A. C. C d. r. m. l. 8. Horum priorem Cajus sic mutavit: *Au- relii Cornelii Celsi Romani de Re Medica Libb. VIII.* per- eruditi. H. Stephanus in suo exemplari cæteris Me- dicinæ Principibus adjecto receptæ lectioni subdi-



dit; Operis ab eo scripti pars Sexta. Vett. Codicum MS. auctoritatem secutus, quibus communis hæc inscriptio: *A. Cornelii Celsi Artium Liber VI.* Nihil tamen hic præter consilium & rem ab ullo temerè factum. Patriam enim sive Autor ipse sive alius quispiam addiderit, id certè non caret vetustatis exemplo, potissimum apud Græcos, quos inter Celsus sibi *Hippocratem Coum* inprimis imitandum proposuit, cujus etiam pleraque non infeliciter Latino sermone reddidit, suam ipse testatus in Epist. ad Pul. Natalem, in hoc studiorum genere diligentiam, longè accuratiorem, quam Largii designationi, qui Ep. ad filios se fuisse liberiorem fatetur, quemadmodum notante Cornario in Dedic. Marcelli, in plerisque Hippocratem expressit, ut integras sententiarum periodos ex ipso descriptas subinde in eo videas; imò tota capita nihil aliud quam Hippocratis sententias ad verbum reddunt. Hinc non immeritò Hippocratis Simiam dixit Nic. Monardus, de V. S. in Pleurit. f. 8. Etsi verò Latini Scriptores Patriam haut usque jactabant: neuiquam tamen diffitendum, antiquitus Romanæ civitatis jus gloriosum fuisse. Quo fortè venditores Autorem nostrum commendare satagebant; sive is meritis & gratiâ civium numero adscriptus esset; sive Româ oriundus. Posterius tamen ut credam, svadet præter apertum Autoris lib. 5. cap. 21. textum, Epistola ejusdem ad Callistum, & persvadet ad Pullum Natalem altera; in quibus inprimis Viri boni genius conspicitur. Imò Marcell. in Præf. Operis Corn. Celsum inter viros illustres & cives enumerat, quicquid



quid ei imposuerit Verderius Cens. pag. 144. Ejus Columella, Claudii tempore clarus, ut æqualis aut certè paulò superioris, Rei Rust. lib. 1. cap. 1. sic meminit: *Nostrorum temporum Cornelius Celsus totum corpus Discipline, quinq; libris complexus est.* Quem Rusticam intellexisse, verò proximum est. Quintiliani sententia Inst. Orat. lib. 10. cap. 1. is Vir Eruditus, inter eos Philosophos Latinos, quos eloquentes literæ Romanæ tulerunt, qui scripsit non parum multa, scepticos sequutus, non sine cultu & nitore. Ideoque ob nimiam novitatis cupiditatem, ejusdem censurâ notatur. Scripta ejus sigillatim prodidit Volaterranus Anthropol. l. d. Cornelius Celsus mediocri Vir ingenio, non solum artem Rhetoricam, sed de re Militari, & de Rusticana, deque Medicina libros composuit. Quæ omnia J. Doussa æternum gentis & generis sui decus in Sylva Extemporal. hoc Epigrammate venustissimè complexus:

*Facta urbana tuo res Rustica munere, scriptis*

*Nec minus illustris est Medicina tuis.*

*Hinc quovq; Militie tractasti commoda Rhetor,*

*Hoc Martem Musis jungere, Celse, fuit.*

Subjungit Polyhistor Italus: *Ad nos nos tantum ejus Medicina pervenit Oratorio more conscripta.* Sed & quædam Rhetorica ejus nostrâ ætate Sixti Popmæ studio feruntur emissa. Veterinariam quoque conscripsisse autor est Mercurialis lib. 4. cap. 2. & Phil. Ingrass. Quæst. de Veterinar. cap. 9. Herbarium verò ei adscriptum, Apuleji potius credit in Vita Apuleji Elmenhorstius, Julium quidem Celsum in-

ter



ter rei militaris Scriptores enumerat Rob. Valtur. quemadmodum huic à nonnullis adscripta sunt Jul. Cæs. Commentaria. De quibus tamen nihil verè constat. Varia sanè ejus eruditio aliud prodere non potest quam Virum ingenuè natum, magna seculi felicitate, quod bonarum literarum erat feracissimum. Excepit nempe coluitqve ea ætas Viros scientiâ, prudentiâ, ac eloquentiâ summos, Tulliam, Salustium, Catullum, Virgilium, Propertium, Horatium, Tibullum, Manilium, Vitruvium, Antonium Musam, Ovidium, Livium, Scribonium Largum, Valerium Maximum, Vellejum Paterculum: atqve si se in Claudii imperium ipsius extenderit vita, Quintum Curtium, Persium, Senecam, Silium Italicum, Plinium, Viros omnes consummatissimos, in quibus tamen postremum nonnulli Celso Juniore censent. Opinionem meam firmat laudabilis veterum consuetudo, qua tria nomina Nobiliorum, Celso etiam Plinii autoritate rata, Libertis rarò, nec fermè sine gravi causa unquam concessa scimus, quibus tamen semper servile nomen remansit. Nec moror, quod Celsi Epistolæ apud Marcellum in limine Operis Prænomen desit, quo soli Romani insigniebantur. Nomen enim apud bonos Autores sæpe Prænomen & Cognomen includit. Hinc Martialis:

*Ut jugulem curas, nomen utrumq, bibam.*

Salutaribus itaqve disciplinis Græcisqve literis, non levi nobilitatis indicio, rectè institutus, facilè potuit seculo tam augusto ac beato, nihil non (ut ipse in  
Epist.



Epist. ad Natalem refert) dignum sublimi Romano-  
rum majestate de bono Medicinæ Artis splendidissi-  
mè scribere, idq̃ve perennitati & literis mandare,  
utilitatis magis q̃vam delectationis causâ.

Scio equidem, non deesse multæ autoritatis  
Viros, q̃vi ex modò adducta Celsi epistola opinan-  
tur, ipsum animo in diversa studia diviso, Græca  
duntaxat medicinalia in Latinum convertisse, aut  
Empedochlis & Democriti exemplo, non ut merus  
atq̃ve ad quæstum Medicus, sed ut sapientem, atq̃ve,  
ut Columellæ verbis utar, universæ naturæ pruden-  
tem, Medicinam veluti Philosophiæ partem cum  
sapientiæ studio conjunxisse. Ideoq̃ve nec factam  
ejus ab Aureliano mentionem Barthio Adv. lib. 38.  
cap. 3. censente. Nec deniq̃ve unquam Medicinæ  
operatum. Credat q̃vi volet. Nec eam litem me-  
am facio. Medicum certè agnovit magnus Scali-  
ger de Re Num. 36. Remedia q̃videm, Hippocratis  
& Galeni exemplo, aliunde congesta digessisse, ultrò  
largior, ipsam verò Morborum τέχνην & θεραπείαν  
proprio iugeni ductu contextam pro me res ipsa  
loquitur. Q̃vin ipsum Pharmaca præbuisse, non  
mediocri gloriâ, ex ipsius ad Jul. Calistum Epistola  
fatis liq̃vet. Quorum artificiosam missionem se ac-  
curatè intellexisse prodit ipse lib. 7. cap. 26. Unde  
Cornarus fortassis inter Pharmaceuticos reposuit.  
Imò deditâ operâ ab aliis prætermissa observavit  
proferre ac illustrare voluisse censuit Minadrus va-  
riæ eruditionis Medicus, de Ext. Aff. lib. 2. cap. 3.  
Maximeq̃ve Medicum ejus Chirurgica probant,



quæ Gesneri in Catal. Chir. sententiâ, veterum solus Latinè scripsit, ut verè ipsum inter Chirurgos reponat doctissimus Sepralius Animadv. lib. 8. Caut. 1. & 40. Tantâ verò id fide peregit, ut Hier. ab Aqvapendente Medicus & Chirurgus usu vel annis nemini secundus, in Operat. Chirurg. cap. de Chir. Dent. his verbis sese in ipsius laudes diffuderit: Mirabilis Celsus in omnibus: quem nocturnâ versare manu, versare diurnâ, consulo. Nec mirum: quum Celsus eruditissimo Manardo Epist. Medic. lib. 9. Epist. 1. bonus & fidelis Hippocratis interpres, licet in aliquo verbo quandoque lapsus videatur. Quod Viro in omni literarum genere exercitato vel ipsa πολυγραφία libenter profectò condonari jubet, quamvis non diffiteatur ipse non pauca se ex aliena quandoque sententia posuisse. Horatio pariter Augenio de miss. sangv. lib. 8. cap. 1. Lommio, Ronfleo Epist. Medic. lib. 8. sect. 3. cap. 7. Schenchio, Jo. Heurnio, Bened. Matamoro, Rod. à Castro, innumerisqve præclari judicii Medicis, propter singularem & succinctam cum elegantia doctrinam, Latinus Hippocrates appellatur, in quo Pantini judicio Comment. ad Celsi lib. 1. cap. 1. optimæ Methodi ac viæ rationisqve docendi discendiqve, & in summa brevitate mira Artis & Sapientiæ observatio plerunqve animadvertatur. Rectè igitur Agricola de Pond. Rom. lib. 4. Celsi, inquit, autoritas Medicis nota est, aut saltem esse debet. Quam elegantissimis verbis Cælius Rhodiginus Antiq. Lect. lib. 26. cap. 3. insinuavit: *A Cornelio Celso versuram faciunt multi. Verùm citra illius sententiam nihil fermè*



*fermè promunt ; perinde ac verba sint veterum sacrorum , quæ demutasse piaculare flagitium planè censeri debeat , quodq; hostiis majoribus procures. Inde Fernelio , Franciæ Hippocrati , referente Plantio in Vit. Fernel. cum ob orationis puritatem , tum ob sententiarum pondus , quam charissimus fuit. Jurisconsultis procul dubio iisdem nominibus usque adeò venerabilis , ut Pandectas suas hujus Viri autoritate muniri voluerint. Verùm , ne nimiis laudibus veriùs is oneretur , quam ornatur , quem mortalium nemo rectè vituperavit : unicum Heurnii judicium , inter cetera gravissimum , huic Virtutum coronæ lemnisci loco satis erit. Ita ille Meth. Stud. Med. cap. 5. Latinos inter Medicos primus est Cornelius Celsus : sed prudenter legendus. Nam in multis Asclepiadem Methodicum sectatur , ut fatetur ipse. Hujus cote stylum subigemus , & pluris Latinitatem ejus quam Medicinam faciemus. Unicus itaque Celsus , ut scitè idem in Epist. ad Ronss. Celso præfixa , Medicis Latinis præferatur : qui pomœria Romanæ eloquentiæ eò protulit , ut Medicina svavissimo ore eloquentiæ jam sese cultioribus ingeniis meritò commendet.*

*His quotquot naturæ associavit benignitas , æquos adferre animos , eleganti favete lingvæ. Ita Vobis , & verum animi sermonisqve cultum , & firma valetudinis præsidia parabitis. Tantum est.*

*Optandum est , ut sit mens sana in corpore sano !*



TH. BARTHOLINUS  
AD LECTOREM.

**A**bsolutæ Dissertationi DE ACIA, secundo prælo  
 ælimatæ plurimumque auctæ, subungere placet  
 Judicia varia, quæ statim edito olim libro expertus  
 est Vir meritissimus, propria ipsius manu ex literis  
 amicorum excerpta, omisis amplissimis acclama-  
 tionibus, quibus Autoris opus prosequuti sunt lingvâ  
 suâ Italiæ lumina. Vitellius Archiepiscopus, Toma-  
 sinus, Eques Puteanus, Fr. Bern. Ferrarius, Naudæ-  
 us, Licetus, Allatius, Pona, Maresius Vincentinus,  
 & alii numero plures. Et, ne perirent, quas inter  
 Schedas Rhodianas repperi, Epistolas familiares Jo.  
 Fred. Gronovii, Viri supra laudem positi ad Rhodi-  
 um nostrum DE ACIA scriptas publico concedam,  
 huic argumento facem allaturas. Quæ dubia in iis  
 videbantur, nervosè soluta in secundâ hac editione  
 suis locis invenies. His omnibus præfigendam pu-  
 tavi Epistolam laudati Rhodii ad Illustrem Regis Da-  
 niæ Cancellarium, Dominum CHRISTIANUM  
 FRISIUM, politam pariter & nervosam, cui primæ  
 editionis auspicia debebantur, quanquam præma-  
 tura morte magni Mecænatis, voto suo exciderit  
 Autor. Legi tamen & hic merebatur, ne vel me-  
 moria tanti Herois apud nos periret, vel Rhodii  
 studium. Hæc volui nescius ne esses, de applausu  
 Eruditorum, penes quos judicandi arbitrium, secu-  
 rus. Vale, & his frue.

ILLU-



ILLUSTRISSIMO ET EXCELLENTISSIMO

DOMINO

DN. CHRISTIANO FRISIO,

TOPARCHÆ IN KRAGERUP,

EQVITI AURATO,

REGIO CANCELLARIO,

ET

REGNI DANIÆ SENATORI.

E Gregiè apud Stobæum in Archelao Euripides:

— — — τὸ λέγειν  
 Ὁ δεινὸν ἐστίν, εἰ φέροι τιτὰ βλάβην.

Gravis quidem censura, verum prudentiæ plena: cui studiosâ officii culpâ me faciliè obnoxium putarem, dum sublimes ingentis animi tui curas à gravioribus negotiis ad hæc studia in umbra educata avoco; nisi perspectus mihi tuus ille Genius, veræ Benignitatis solidæque Prudentiæ possessor, variæque Eruditionis amicus, paratiorem dudum intempestivæ compellationis indulgentiam sponderet. Quamquam enim propitio Musarum contubernio eâ sedulitate ampliasti raras Naturæ dotes, eâ ingenii moderatione Minervæ ac Marti litasti, ut quoniam fortiter & prudenter gessisti omnia, maturo AUGUSTISSIMI REGIS CHRISTIANI IV. iudicio credita sit tuis consiliis maximarum rerum cura: nunquam tamen parandis servandisque publicæ tranquillitatis præsidii ita invigilas, quin animus negotiis circumfessum literis amœnioribus quandoque laxes, quin gravioribus firmes. Neque

g 3

Tibi



Tibi soli hanc laudem vindicasti; sed plurimorum quoque animos in hac studia invitas eâ dignatione; ut exactam teneas eorum rationem, qui domi forisqve Virtuti ac Literis ita operantur, ut Sapientiam rerum omnium dominam affectantes summorum virorum sententias non reformident. Quorum egregii conatus ne adversis vitæ fluctibus frangantur, eâ animos ad magna surgentes liberalitate foves, eâ integritate provehis & attollis, ut gloriosissimo tanti moliminis fructu, non sui ingenii, sed tuæ Virtutis vocibus, eum Te prædicent censeantqve omnes, in cujus manu situm, bonorum ingeniorum fata temperare. Domesticum mihi exemplum est, ne foris quæram. Nam cum publicis necessitatibus, tum fortunæ nostræ privatæ, animo verè provideo consulisti. Cujus beneficii ut conspectior sit memoria, quâ soles admissionum facilitate tuis auspiciis tuiqve nominis splendore exile hoc ingenii mei monumentum patere ad plurimorum notitiam pervenire. Votis quidem sunt hæc longè inferiora, si limationis judicii specimen exigis; sin affectus ingenui aut venerationis speciem, tuâ humanitate non indigna. Sed neque tam ad judicii tui sinceritatem exiguntur ista, quàm à tuo patrocinio non exiguum sibi auctoritatis incrementum pollicentur; licet utrumqve à tuo animo, ut aliarum virtutum sic veritatis præcipuè amantissimo, bonâ fide sperari possit. Nullus enim Tibi labor unquam, Vir Maxime, pectus lassat, quin apud literarum consultos novis beneficiorum occasionibus benè merendi materiam cumules, qui bonas



nas Artes in oculis, in animo geris; qui eum Sapi-  
entiae Mystis locum praebes, ut literae senescentes  
sub Te spiritum & sanguinem receperint.

*Crescite Virtutes, fecundaq; floreat aetas.*

*Ingeniis pateat campus, certusq; merenti*

*Stet favor; ornatur propriis industria donis!*

Verum, ut ad modestiam tuam maximae virtuti  
cognatam haec mea infra honoris tui fastigium sub-  
mittat sese tot praeclare gestorum commemoratio,  
cui impar verborum mediocritas; Benignitatem  
tuam officiosè obtestor, Schedium hoc inconditum  
ab animo eximiae Virtutis tuae admiratore, non à  
cultu, aestimes. Quod grati animi indicium uti-  
nam ita felici, quam congruente, doctissimi Impera-  
toris omine Tibi nuncupo: Ἐὰν μὲν ἔχῃ τι δεξιὸν,  
αὐτὴς πὶ ὁ λόγος βέλτεται, καὶ ὁ ποιητὴς αὐτὴ τῆς παρὰ τῆς  
Ἀθηνᾶς ψήφου τὴν μαρτυρίαν προσλαβὼν. Eam praecla-  
rae mentis gloriam ut bono publico, ad liberalium  
disciplinarum incrementa, Tibi literatorum tutelae  
providentia caelestis nullo temporum silentio pro-  
ducat, Deum Optimum Maximum veneror. Pata-  
vii Calend, August. clc lcc XXXIX,

Amplissimo Nomini Tuo

Devotissimus

JO. RHODIUS.

Augu-



AUGUSTUS BUCHNERUS, Elo-

quentia Professor Witebergensis 4. Non. No-  
vembris. 1640. ad THOMAM BANGIUM Pro-  
fessorem Hafniensem.

DE RHODII ACIA quid dicam, BANGI, quas habeam gratias pro tam selectæ eruditionis thesauro? Habent profectò, habent hic Philologi & curiosi non tantum, sed Medici quoque ac alii, quæ admirentur, quæ notent, & primum discant. Quare egregiis modis de me es meritis, qui nos tam elegantî munere voluisti donare, præcipuè cum rario-  
ris hujus notæ libri vix ulli ad nos deferantur propter obsesta & infestata militibus undiquaque itinera &c.

OLAUS WORMIUS Professor Medi-  
cus Hafniæ Calend. Januar. 1642.

DE eruditissimo tuo Tractatu quid dicam? Diffusam lectionem, stilî nitorem, judicii acumen anteprius mirer, ignoro. Certus sum neminem fore, modò cum cura, quam postulat, eum legerit, quin inter scripta, quæ hoc ævo nobis tulit melioris literaturæ orbis, palmam ei sit concessurus. Perge rogo, perge inquam illustri ingenii tui fulgore Scribonio & Celso facem allucere. Mihi certè, Aciam acutè tetigisse videris.

D. JACOBUS MATTHIAS Theol. Reg.  
X. Januar. 1642. ad TH. BARTHOLINUM.

VIdi nuper Dissertationem RHODII DE ACIA C. Celsi, nec mihi à legendo temperare potui, antequam totum Scriptum lectione vix interrupta  
ad



DE ACIA RHODIANA.

57

ad calcem deduxissem. Nescio certè an illum à literis, an à rei medicæ peritia justius commendem, quum parem utrinque laudem & gloriam velut æqualem trahat.

OTHO SPERLING Botanicus Re-

gius Postrid. Calend. Januar. 1642.

**A**ciam tandem tuam vidi, in qua eximiam ingenii vim ostendisti, & innumeris in illa locis, non tam quid potueris, quàm quid non volueris. Plurimum Tibi certè se debere docti omnes fatebuntur; ego autem non parum per te profecisse me ingenuè profiteor, nihilquæ nunc magis in votis habeo, nisi ut ex quo membris tam malè habitis medicinam conferre occepisti, integrum quoque nobis Celsi corpus sartum tectum exhibeas.

WERNERUS ROLFINCK Professor

Medicus Jenæ XI. Octobr. 1642.

**N**ihil magis in votis habui, quàm ut occurreret quod Scribonium Largum illustraret, mequæ simul honoraret. Noli diutius invidere scriptum hoc tot laborum sobolem nobis, qui illius videndi desiderio flagramus, non vulgariter delectari ornata illa Acia enodatione, quæ in tui admirationem traxit, quicumque elegantem literaturam & lucem veritatis amant.

h

JOAN.



JOAN. MICHAEL DILHERRUS,

Phil. P. P. Jenæ XIV. Calend. Januar. 1643.

**C**Hartas meas de Crucifixione Salvatoris nostri  
Libro tuo de Acia nervosissimè scripto, & à me  
sæpius ut par est pro cathedra adlegato, minimè re-  
spondentes, limatissimo tuo judicio observanter  
submitto: rogoqve ut si quid in hanc rem indaga-  
veris, amicè mecum in bonum publicum commu-  
nices.

THOMAS BUCKENHAM Collegii

Cajo - Genuilensis Socius, Cantabrigiæ

VII. Calend. Decemb. 1645.

**E**O usque elegantissimus ille tuus, quem tibi gra-  
tissimus debeo, de ACIA ad Celsi mentem Tra-  
ctatus spem nobis erexit, ut jam Celsum ipsum tua  
opera à temporum injuriis vindicatum, integrum,  
pulum, celsissimum nobismet polliceri audeamus.  
Nam ut de Dissertatione tua, quod res est, eloqvar;  
nihil in ea non summe placet, nisi quod desinit;  
quum tamen desit nihil. Tam omnes illam admi-  
rantur, quam pauci possunt imitari, quam nemo  
reprehendere.

JOANNES SMITH Noviomagi

Kalend. Juniis clb Ibc XLVII.

**F**IBULA ut antiquorum olim togas, ita ani-  
mos utrinque nostros aliqua nuper parte confi-  
bulavit,

M. AU-



M. AURELIUS SEVERINUS Anat.

&amp; Chir. Prof. Neapol. Non. Jun. 1640.

**M**ONUMENTUM tuum ære perennius, quod De  
MACIA FIBULAQUE exegisti, argumento me  
Hercules antiquarum tenebrarum inter omnia re-  
fertissimo &c. Obscura Cimmeriis illustrare, Chao  
confusiora suam in sedem digerere, prisca & exoleta  
nitori suo restituere; tenuibus sed tamen frugiferis  
nullam non dignitatem addere: quicquid in quaque  
demonstratione sublit persequi, & nil intactum re-  
linquere: hæc & majora me iudice, præcellentis in-  
genii tui sunt specimina atque experimenta: quæ  
toto isto commentario elucent undique. Ad sum-  
mum enim *πλυμαθής καὶ πολυδαίδαλος* non mihi tan-  
tum, sed & Doctorum nostrorum plurimis visus es  
hoc opere &c.

Idem Neapoli Idibus Novemb. 1640.

**S**CITO copiam fecisse me Archiatro Mario Schipa-  
no & monumenti tui præclari & datarum ad me  
literarum, qui sanè vir admiratus est in te seriò &  
eloquentiam cum sapientia conjunctam, & ad  
utramque accedentes ingenii fecunditatem ac dex-  
teritatem, καὶ τὴν ἀρετήν, & graves alias scribendi  
dotes, quæ sunt hac nostra ætate insolentiores: qui-  
bus tamen tu RHODI ornatissime præditus es tum  
arte, tum industria, tum natura, &c.

h 2

CASP.



CASP. HOFMANNUS Prof.

Altorfii Calend. Jul. 1640.

**M**Anebit ACIA, qvod sine palpo dico, opus immortalitate dignissimum. Qvod fiet, scio, qvantumvis maturè obierit patronusejus. Suo stat robore virtus.

JOAN. CASP. BAUHINUS Prof. Ba-

fil. VI. Kalend. Sextil. clō lōc XL.

**E**legantissimum Tractatum tuum Burcardus noster, ritè tradidit, pro qvo tibi gratiæ agendæ publico nomine. Ego verò privatim, qvod eo meam Bibliothecam augere dignatus es.

FRANC. MARINUS NEAPOLITANUS SCLEDO XVI. Kal. Octobr. clō lōc XL.

**T**UA me FIBULA sic confibulavit, ut nunquam sim me refibulaturus, donec in vivis.

JO. ANTONIDES van der LINDEN

Prof. Med. Franekeræ Id. Novembr.

clō lōc XL.

**D**octissimi tui Scripti de ACIA ex Celsi mentecis paucos menses accepi exemplar. Legi & mirari satis neqvivi multifariam istam tuam lectionem, & in colligendis autorum testimoniis laborem, in disponendis ingenium, &, qvod caput facio, in tractanda re, qvam omnes steriliter tractarunt, & paucissimis expediverunt, ubertatem judicii tui firmissimi, solidissimiqve in Celsi mente aperienda,



rienda, ac stabilienda; ut nihil amplius dubii esse reliquum possit, rationum tuarum pondera in primis examinanti, aut innumera testimonia perpendenti. Unum addo, victurum istud opus tuum, & haud dubie quidquid ab ingenio tuo.

JOAN. FRED. GRONOIUS

Venetiis VI. Kal. Maj. cIdo Isc XLI.

**L**ibellum tuum cœpi diligenter evolvere, plenum sanè variæ doctrinæ, & dignum, ut nomen tuum præferat.

JO. ANDREAS SCHONGARDUS DANUS

Constantinopoli 18. Jan. 1641.

**L**iber curiosus, & refertus omni genere doctrinæ.

PAULUS MARQVARDUS SCHLEGEL

Prof. Jenensis 4. Maji 1641.

**D**E ACIA librum legi, & mecum alii præsertim Dilherus noster. Miramur laborem & lectionem, inprimis autem judicii sublimitatem, quæ omnibus eruditis faciem prælatura est; tanti etiam à Dilhero æstimata, ut non rarò de tua laude publica hic subsellia testentur.

BENEDICTUS PRIOLUS

Genevæ Calend. Jun. 1641.

**A**CIA tua hic omnibus nostris Medicis placet. Mihi certè videtur dignum eruditionis tuæ multijugæ & judicii monumentum. Perge, & altius



tius cūlmen mihi crede te manet. Valet opus, & fallor, aut hoc ager penna metuente solvi fama superstes. Præter solida, mihi placet, quod passim Museo contingis cuncta lepore.

RENATUS MORÆUS Professor Parisiis & Consil. Reg. XII. Calend. Augusti. 1641.

L Egi lubentissimè Dissertationem tuam elaboratissimam de ACIA, in qua omnia mihi valde probantur; nec aliud judicium à Viris Doctis audiui.

*Clarissimo Viro*

JOANNI RHODIO DANO  
JOH. FRIDERICUS GRONOVIVS  
S. P. D.

E Cce Tibi, Vir præstantissime, ortas nobis, dum Dissertatione tua erudimur, suspiciones, vitreis fractis & somniorum interpretamentis leviores: quæ ubi minimè expectationi tuæ responderint (quanquam quid expectare à nobis tu queas?) tibi imputes licet, qui bovi imposuisti citellas. Ego in his studiis nihil possum sine librorum copia, & memoria non tam benigna est mihi ad tenenda in numero arcana illa literarum, quam ad recordandum ubi ea recondita servantur. Si illa supellectile nostra instructi fuisset, fortè suggessisset nonnulla, quæ non quidem ad caput rei, sed tamen ad parerga



parerga & contum tibi servissent: nec ad hunc quoque, quod revera iis opus fuisset, sed quod tu pro simplicitate tua ac studio in proprium sortum ea necessaria credidisses. Silvæ tuæ MS. multum mihi profuerunt. Inveni aliquot conjecturas meas confirmatas, quod non parvum nostris laboribus est solatium: inveni & materiam aliquot novarum observationum. Quo in numero est, quod libri secundi primum poemâ, *Epicedion in Glauciam Melioris*, ibi inscribitur: *Glaucias Atedii Melioris dedicatus*. Ulti & VI. ejusdem libri, *Epicedion Pileti Urfsi*, præfert: *Consolatio de morte pueri dedicati*. Delicias proprio verbo appellabant pueros istos, ut dubium non sit, illic scribendum, *delicatus*, hic *dedicati*: eamque ipsius Statii fuisse inscriptionem ab imperitis mutatam. Apud Svetonium quoque, si rectè memini, in Vespasiano *Delicata* appellatur scortum, quæ in deliciis fuit. Hæc quantivis pretii & verissima est observatio. Sic in Via Domitiana:

*Ceu fessis ubi remigum lacertis  
Prima carbasa ventilantur aura.*

In MS. est, *Prima*, & *ventilantis aura*, quod & Domitius Calderinus in suis reperit, & habet Codex Veneret. Unde corrigendum est: *Prima carbasa ventilatis aura*. Est enim apostrophe ad ipsas auras, quas alloquitur ceu intelligentes. Ut in eodem poematio: *Nunc velocius ibitis carina*. Et Ovidius: *nec vos segmenta requiro*. Manilius: *Et qui vos, ignes, immisit mille carinis*. Sunt & alia his non minus elegantia. Quæ gaudeo occasionem mihi dedisse in alia editione



tione Diatribæ nostræ, si per fata licuerit, amicitiam nostram consecrandi. Velim scire an possis ibi nancisci Panegyricorum Latinorum, qui Pliniano solent adjungi, editionem ab J. Lirinejo Antverpiæ in 8. aut ab Grutero cum utriusq; ejusdem & Acidali notis Francofurti in 12. procuratam. Si reperietur, habeo nonnulla de quibus rogem te, ne & textum & ipsorum commentaria inspicere graveris. Vale ὁ θαυμασιώτατος & Cl. Viris Sojero, Ferrario, Vezzano, Weslingio etiam τῷ πάλῳ, cujus gloriæ tanto faveo promptius quanto patriæ nostræ ortu est vicinior, per occasionem me commenda. De prioribus meis nihil addo, ne curæ tuæ diffidere videar: nisi quod Illustrem Scioppium, quem primo loco nominare debueram, omni cum observantia saluto. Iterum Vale. Venetiis prid. Kalend. Maj. Anno Chr. clb Idc XLI.

Pag. 8. cap. IV. edit. Patav. Vix persuadear principem significationem fibulæ esse Architectonicam. Vestiaria potius est, atque ab hac deducta translatione, & in arborum cura & in corpore humano & ubicunque alibi ligaturæ illæ, quæ rotundo aliquo seu circulo seu operimento regunt acum, seu acus vicem ad comprehendendum quasi forcipes, fibulæ appellatæ sunt. Vel isto argumento uno quod antiquissimi Græcorum & Latinorum quivis vestiariæ meminerunt, cæterarum tardius reperitur mentio. Quin si ipsa forma & usus consideretur, propter quæ scilicet idem vocabulum diversis rebus est communicatum, prima sunt utique in



in vestitu: id quod maxime apparet in Architectonica, cujus loco apud inelegantiores rudioresque fuit simplex clavus: illa Catonis ad comprimendas arborum rimas effecta est ex illarum specie, quas sine acumine aduncas reperiri notasti p. 45. & qualis fuit illa verpi apud Martialem. Fortassis clarius hoc posset demonstrari, si ipsi autorum loci in promptu essent, quos ego mallem videre quam Commentatorum conjecturas. Et auctor sum, ut in secunda editione verba Catonis, Caesaris, Vitruvii adscribantur.

P. 13. In idiomate Saxonum Fibel sine dubio descendit à Græco βιβλος, quod scilicet hic sit primus Liber cui initiantur parvi. Quemadmodum Bibel dicimus *ἀπὸ τοῦ βιβλίου*.

P. 14. Non intelligo quid velit Papias illo: *nec stabiles*.

P. 27. De loco Ammiani videnda editio Henr. Vallesii accuratissima. Is enim, nisi fallor, melius ex MS. eum locum correxit.

P. 30. Addi potest Statius in IX. Thes. *tereti ligat aurea morsu Fibula pendentes circum latera aspera amictus*.

P. 42. Lunularum in muliebri ornatu mentio est apud Esaiam cap. 3. v. 18. & ex eo apud Cyprianum de habitu & disciplina Virginum: & cincinnos & lunulas & discrimen, & armillas. Nam ita legendum ex MS. non discriminalia, notamus lib. III. Obs. cap. 24.



P. 49. Est in Hollandia Vir doctus Johannes Smetius, Pastor Noviomagensis: qui in pinacotheca sua, supellectile veteri & nummis instructissima, ultra quingentas possidet fibulas, mirificis quasdam formis. Habeo eruditam ab ipso epistolam, in qua rariores accuratè mihi describit, & si operæ est, libenter mittam.

P. 51. In loco Philostrati scribendum, *κέμω*, & *πλοκαμίας*, vel *πλοκαμίων*.

P. 58. Locum Ennodii latius videre velim. Neque enim capio quomodo fœnus agrorum queat dici Fibula.

P. 62. Apud Schol. Æschyli annon leg: *καὶ χερσὶν κείνῳ διαπερυσσόμενος*.

P. 68. Valde dubito, an per Barbaros apud Thucyd, intelligi possint Romani Pugilatus & lucta sero ad eos à Græcis devenerunt. Et ævo Thucydidis parum adhuc commercii.

P. 112. Apud Senecam leg. *corpus caussarium & fluidum*. Sic restituit Lipsius: & nos idem in scripto Codice Britannico bonæ notæ invenimus. Nostis Medici, quid *caussa*, quid *caussarium* sit vestris magistris. Nos duo loca Senecæ, unum Tertulliani, quæ in re tam vulgari negotium fecerant supinis editoribus, inde restituimus lib. III. Obs. cap. 14. Non opus tamen hæc addi: sufficit citari *Caussarium*.

P. 143. Valdè peccarunt, qui dubitarunt de Celsi *transiit*. Est enim elegantissimum: & nos ejus exemplo emendandum docebimus apud auctorem Thebaidos in Tragædiis Senecæ: *Calidog, tene-*

ros



*ros' transuit ferro pedes.* Ubi plerique vet. Codd. *transulit*, nunc vulgatus, *transdidit*. At illud nobis in vetustissimis & inculpatis membranis inventum. Uti & jam olim Lipsio, qui tamen probare non est ausus. Quasi verò non dixerit Ovidius lib. II. *Factor, veribus transfusa salignis.* Uti omnes ferè MSS. (quinque aut sex contulimus ipsi) & jam editiones correctiores.

P. 180. De nodo Palæstrico nos multa ad Statii in III. Silv. Herc. Surr. *manu, Libycas nodare palæstras.* Ubi antea vulgo, *nudare*. Atque hanc conjecturam confirmatam nuper inveni in edit. Veneta Anno 1475. quam contuli in Bibl. Patrum Dominicanorum Flor. ubi expressè *nodare*. Est autem illa prima editio ac MSS. par.

P. 187. In loco Statii describitur Parthenopæus exuens chlamydem & se nudando ad cursum expediens. *Diffibulare* est enodare & aperire fibulam, ut discingere est cinctum solvere. Ergo *torto auro diffibulat chlamidem* est, flexo & paulum ad commoditatem referandi retracto auro fibulæ, chlamydem solvit & exuit.

Apud Ovidium lib. XIV. Metam. in Fabula Picci, Ob. Gifanius (indice Lucretiano in *contactus*) legit: Phœniceam fulvo chlamydem *contactus* ab auro: quia invenit in MS. *contractus*. Id quod nos quoque in melioribus invenimus, nec mutandum est. Aurum enim hic non quo passim contingi aut distingvi chlamys potuit: sed Fibulæ. Ita enim mox Ovidius:



*Purpureum chlamydis penna traxere colorem,  
Fibula quod fuerat vestemq; momorderat aurum.  
Pluma fit, & fulvo cervix praeingitur auro.*

Euripides Electra:

— πῶς δὲ ἔδρας Ἀσκήτιδες  
Διωκὲς πατήρ, ὅς ἐπερ' ἰμοὶ πατήρ,  
Ἰδαίᾳ φάσθ' ἡγεσσοῖς ἐξευγμένα  
Πόρπασιν. —

Sed & sunt loci apud Græcos, in quibus eodem sensu συναΐσαι legitur, quod ibi contrahere Lib. III. Obs. cap. XVIII.

*Viro Clarissimo*

JOANNI RHODIO

JOHANNES FREDERICUS GRONOVIVS

S. P. D.

Mirificè me exhilararunt literæ Tuæ, Vir præstantissime, quas tanto jam tempore ignarus vestri rerumq; vestrarum nuper admodum accepi. Nos verò quando Veslingii *lapsa externis opobalsama trancis*, (uti quidem legendum apud Martialem primi observavimus ad Statium) quando Argoli Circenses Panviniani delectabunt docebuntq;? Rara fortuna est hæc ad nos pervenire, eiq;ve adscribo usuram Commentarii Ferrariani; à quo Viro quod me amari scribis, id verò mihi gratissimum est. Nimum quantum desidero Electa promissa: cam salivam movit de re Vestiarum scriptio, cujus me lecti-

one



one plurimum profecisse dicerem, si aliquid in literis profecisse me agnoscere auderem. Toga mihi visa semper unum ex difficillimis Romanæ antiquitatis capitibus, in quo nec alii satisfaciebant, nec ipse unquam, ut satisfacerem mihi, speravi fore. Sed ingentem lucem & mihi & materiæ attulit doctissimi Ferrarii industria & sagacitas: cui dum *Φοιτῶ* me nuper præbui, iterum non ad dies aliquot, sed menses capacissimo amictui ita sum involutus, ut si Clytæmnestram domi haberem, Agamemnonis casum timuissem. Aliqua tamen extricare me sum conatus, & *πλεῖστα ἐσφυμένα* devinxi verbis in chartam conjectis, quæ pejus, fateor, perire non poterat, tamen peritura utiqve, quoniam in nostro peculio erat, parcere supervacuum duxi. Scribonium in Bibliothecæ Leidensis Catalogo, quem servo dono Heinsii, frustra quæsi. Ennodii locus de Fibula pro fœnore accepta est haud dubiè corruptus. Cogitabo, & siquidem me deficiet ingenium *πὺν δὸν περὶ τοῦ* Salmasium in consilium adhibebo. Fibulam amoris apud eundem habes lib. I. Epist. II. Fibulam pro enchiridio non ex Tertulliano sed ex Paciano notat Barthius. Tamen *Ἰνέχω*, usqve dum ipsum auctorem inspicere licuerit. P. 78. Apella pro Judæo quasi absqve pelle, est contra omnem analogiam & consuetudinem Latini Sermonis. Sed haud dubie est nomen alicujus Judæi tunc noti proprium, ut monuit Scaliger vel Ivo in loc. Cont. Tit. Apelles, Apellas, Apella idem nomen est, ut Achilles, Achillas, Achilla. Leoni-



des, Leonidas, Leonida. P. 186. *ut unitas facta sit:* est & apud Columellam lib. XI. cap. III. *inter se implicantur & quasi unitatem faciunt.* Et lib. XII. cap. XXII. Cum Salmasio jam ante triennium sermo mihi de te fuit meritis tuis & amicitiae nostrae congruens Divione in Heduis: nunc quoque aurem ei pervelli in proximis de opere tuo. Faciam idem apud Vossium vel per literas vel coram. Nunc in Livio toti sumus, quem sub praelo habent Elzevirii nostra cura plus mille locis (sine figura loquor) emendatiorem ex MS. optimae notae, quos ingenti labore in Anglia, Gallia, Italia contuli. Salmasius vexatur podagra, & tamen duo praela quotidie exercet: eo nunc est in respondendo, quam esse solet, pigrior. Vossius nuper edidit Dissertat. geminam: de Jesu Christi genealogia, & de annis, quibus natus, Baptizatus, mortuus idem Servator noster. Habeo paratos tres novos multo accuratiores libros Observationum; sed de illis nunc edendis cogitare Livius & Notae in illum Rom. Historiae Principem non sinunt.

Vale, Vir Clarissime, & me ama. Daventriae, diem tertium Pentecostes clō Ioc XLIV.

EPITA-



DE ACIA RHODIANA. 71  
EPITAPHIUM  
JOANNIS RHODII DANI.

ex

*Libr. VIII, Carm. XXXVI.*

THOMÆ BARTHOLINI.

DAnia me genuit, famam super æthera  
Pallas,  
Et tumulum membris urbs Paravina dedit.  
Hactenus exilio patriam mihi sponte negavi,  
In cœlis patria est prospicienda mea.

---

*Venerando Parenti*

D. THOMÆ BARTHOLINO

Cl. RHODIUM de Ponderibus & Men-  
suris edenti.

EXcrescit fama pondus, dum pondera scribis,  
Et tua mensuras tempora nulla sciunt.


THOMAS BARTHOLINUS  
Junior,


















5644547 / 5644546



